

景岳全書本草正目錄上大集

卷四十八

山草部

人參 一

黃芪 二

白朮 三

蒼朮 四

甘草 五

黃精 六

肉蓯蓉 七

丹參 八

遠志 六

巴戟天 十

仙茅 十一

天麻 十二

沙參 十三

玄參 十四

茅根 十五

淫羊藿 十六

苦參 十七

貝母 十八

土貝母 十九

山慈姑 二十

柴胡 二一

桔梗 二二

防風 二三

細辛 二四

羌活 二五

獨活 二六

升麻 二七

前胡 二八

延胡索 二九

柴草 三十

白芨 三一

三七 三二

白蘚皮 三三

秦艽 三四

地榆 三五

黃芩 三六

黃連 三七

胡黃連 二八

知母 三九

龍胆草 四十

隰草部

地黄 四一

蜀葵子 四五

紫苑 四九

益母草 五三

款冬花 五七

旋覆花 六一

夏枯草 六五

蒹藜 六九

藍靛 七三
附青黛

燈心草 七七

芳草部

當歸 七八

牛麥 四二

車前子 四六

甘菊花 五一

瞿麥 五四

麻黃 五八

鼠粘子 六二

蒼且子 六六

青箛子 七十

木賊 七四

烟 又七七

川芎 七

麥門冬 四三

白蒺藜 四七

野菊花 五一

茵陳 五五

萱草 五九

決明 六三

瀨蘆 六七

艾 七一

王不留行 七五

續斷 四四

紅花 四八

菥蓂 五二

青蒿 五六

連翹 六十

葶藶 六四

劉寄奴 六八

佛耳草 七二

海金沙 七六

芍藥 八十

丹皮 八一

白芷 八二
肉苳蔻 八三
草菓 八四
破故紙 八五

木香 八六
藿香 八七
香附 八八
砂仁 八九

紫蘇 九十
薄荷 九一
荊芥 九二
白芷 九三

香薷 九四
益智 九五
鬱金 九六
薑黃 九七

澤蘭 九八
藁本 九九
草菱 一〇〇
良薑 一〇一

三稜 一〇二
蓬朮 一〇三
蛇床子 一〇四

蔓草部

天門冬 百五
兔絲子 百六
五味子 百七
何首烏 百八

瓜蒌仁 百九
天花粉 百十
金銀花 百十
葛根 百十

茜草 百十三
土茯苓 百十
使君子 百十
牽牛 百十

防己 百十七
草薺 百十八
釣藤 百十九
山豆根 百二十

威靈仙 一二
馬兜鈴 一二
青木香 一二
白欬 一二四

木通 一二五

毒草部

附子 一二六

白附子 七二

大黃 二二八

常山 一二九

半夏 百三十一

南星 一三一

胆星 一三二

射干 一三三

天戟 一三四

甘遂 一二五

芫花 一三六

玉簪 三七

鳳仙花 一三三

蓖麻子 一三九

續隨子 百四

木鱉子 又百四十七

卷四十九

水石草部

白斛 一四一

菖蒲 一四二

蒲黃 一四三

澤瀉 一四四

海藻 一四三

骨碎補 一四六

竹木部

竹瀝 一四七

淡竹葉 一四八

淡竹茹 一四九

天竺黃 百五

官桂 一五一

丁香 一五二

白檀香 一五三

沉香 一五四

烏藥 一五五

枸杞 一五六

地骨皮 一五七

厚朴 一五八

會稽 張介賓 會卿著

會稽 魯超 謙菴訂

山草部

本草

人參 一 及藜蘆

味甘微苦微溫氣味頗厚陽中微陰氣虛血虛俱能補陽氣
虛竭者此能回之於無何有之鄉陰血崩潰者此能障之於
已決裂之後惟其氣壯而不辛所以能固氣惟其味甘而純
正所以能補血故凡虛而發熱虛而自汗虛而眩運虛而困
倦虛而驚懼虛而短氣虛而遺泄虛而瀉利虛而頭疼虛而
腹痛虛而飲食不運虛而痰涎壅滯虛而嗽血吐血虛而淋
瀝便閉虛而嘔逆躁煩虛而下血失氣等證是皆必不可缺

者第欲以氣血相較則人參氣味頗輕而屬陽者多所以得
氣分者六得血分者四總之不失爲氣分之藥而血分之所
不可缺者爲未有氣不至而血能自至者也故扁鵲曰損其
肺者益其氣須用人參以益之肺氣旣王餘藏之氣皆王矣
所以人參之性多主於氣而凡藏府之有氣者皆能補之然
其性溫故積溫亦能成熱若云人參不熱則可云人參之性
涼恐未必然雖東垣云人參黃芪爲退火之聖藥丹溪云虛
火可補參朮之類是也此亦皆言虛火也而虛火二字最有
關係若內真寒而外假熱者是爲真正虛火非放膽用之必
不可也然有一等元陰虧乏而邪火爍於表裏神魂躁動內
外枯熱真正陰虛一證誰謂其非虛火若過用人參果能助
熱若王節齋云陽旺則陰愈消及節要云陰虛火動者勿用
又曰肺熱還傷肺等說固有此理亦不可謂其盡非而近之

明哲如李月池輩皆極不然之恐亦未必然也夫虛火二字最當分其實中有虛虛中有實陽中有陰陰中有陽惟勿以成心而執已見斯可矣如必欲彼此是非是所謂面東方不見西牆皆未得其中也予請剖之曰如龍雷之火原屬虛火得水則燔得日則散是卽假熱之火故補陽卽消矣至若亢旱塵飛赤地千里得非陽亢陰虛而亦可以補陽生陰乎或必曰此正實火也得寒則已予曰不然夫炎暑酷烈熱令大行此爲實火非寒莫解而乾枯燥旱泉源斷流是謂陰虛非水莫濟此實火之與陰虛亦自判然可別是以陰虛而火不盛者自當用參爲君若陰虛而火稍盛者但可用參爲佐若陰虛而火大盛者則誠有暫忌人參而惟用純甘壯水之劑庶可收功一證不可不知也予非不善用人參者亦非畏用而不知人參之能補陰者蓋以天下之理原有對待謂之曰

陰虛必當忌參固不可謂之曰陰虛必當用參亦不可要亦得其中和用其當而已矣觀者詳之

黃芪二

味甘氣平氣味俱輕升多降少陽中微陰生者微涼可治癰疽蜜炙性溫能補虛損用其味輕故專於氣分而達表所以能補元陽充腠理治勞傷長肌肉氣虛而難汗者可發表疎而多汗者可止其所以止血崩血淋者以氣固而血自止也故曰血脫益氣其所以除瀉痢帶濁者以氣固而陷自除也故曰陷者舉之然其性味俱浮純於氣分故申滿氣滯者當酌用之

白朮三

味甘辛氣溫氣味俱厚可升可降陽中有陰氣中有血其性溫燥故能益氣和中補陽生血煖胃消穀益津液長肌肉助

精神實脾胃止嘔逆補勞倦進飲食利小水陰濕連痰消滯
去脹治心腹冷痛胃虛下痢疝癖癥瘕制以人乳欲潤其燥
炒以壁土欲助其固佐以黃芩清熱安胎以其性澁壯氣故
能止汗實表而癰疽得之必反多膿奔豚過之恐反增氣及
上焦燥熱而氣多壅滯者皆宜酌用之然冬味甘而柔潤夏
味苦而燥烈此其功用大有不同不可不爲深辨也若於飢
時擇肥而甘者嚼而服之服之久久誠爲延壽之物是實人
所未知

蒼朮四

味苦甘辛性溫而燥氣味俱厚可升可降陽也用此者用其
溫散燥濕其性溫散故能發汗寬中調胃進食去心腹脹疼
霍亂嘔吐解諸鬱結逐山嵐瘴散風眩頭疼消痰癖氣塊
水腫脹滿其性燥濕故治冷痢冷洩滑瀉腸風寒濕諸瘡與

黃栢同煎最逐下焦濕熱痿痺若內熱陰虛表疎汗出者忌服然惟茅山者其質堅小其味甘醇補益功多大勝他木

甘草五

味甘氣平生涼炙溫可升可降善於解毒反甘遂海藻大戟芫花其味至甘得中和之性有調補之功故毒藥得之解其毒剛藥得之和其性表藥得之助其升下藥得之緩其速助參芪成氣虛之功人所知也助熟地療陰虛之危誰其曉焉祛邪熱堅筋骨健脾胃長肌肉隨氣藥入氣隨血藥入血無往不可故稱國老惟中滿者勿加恐其作脹速下者勿入恐其緩功不可不知也

黃精六

一名救窮草

味甘微辛性溫能補中益氣安五臟療五勞七傷助筋骨益脾胃潤心肺填精髓耐寒暑下三蟲久服延年不飢髮白更

黑齒落更生張華博物志言天老曰太陽之草名黃精食之
可以長生太陰之草名鉤吻不可食之入口立死此但以黃
精鉤吻對言善惡原非謂其相似也而陶弘景謂黃精之葉
與鉤吻相似誤服之害人蘇恭曰黃精葉似柳鉤吻蔓生葉
如柿葉殊非比類陳藏器曰鉤吻乃野葛之別名二物全不
相似不知陶公憑何說此是可見黃精之內本無鉤吻不必
疑也

肉蓯蓉 七

味甘鹹微辛酸氣微溫味重陰也降也其性滑以其味重而
甘溫故助相火補精興陽益子嗣治女人血虛不孕煖腰膝
堅筋骨除下焦寒痛以其補陰助陽故禁虛寒遺瀝洩精止
血崩尿血以其性滑故可除莖中寒熱澁痛但驟服反動大
便若虛不可攻而大便閉結不通者洗淡暫用三四錢一劑

景岳全書
卷之四
四
卽通神效

丹參八

味微苦微甘微澁性微涼無毒反藜蘆能養血活血生新血
行宿血故能安生胎落死胎血崩帶下可止經脈不勻可調
此心脾肝腎血分之藥所以亦能養陰定志益氣解煩療眼
疼脚痺通利關節及惡瘡疥癬赤眼丹毒排膿止痛長肉生
肌

遠志九

味微苦微辛氣溫陽也升也製以甘草湯浸一宿晒乾炒用
功專心腎故可鎮心止驚辟邪安夢壯陽益精強志助力以
其氣升故同人參甘草棗仁極能舉陷攝精交接水火但可
爲佐用不宜多神氣上虛者所宜痰火上實者當避

巴戟天

味甘微溫陰中陽也雖曰足少陰腎經之藥然亦能養心神
安五臟補五勞益志氣助精強陰治陰痿不起腰膝疼痛及
夜夢鬼交遺精溺濁小腹陰中相引疼痛等證制宜酒浸去
心微炒或滾水浸剝亦可

仙茅 十一

味辛溫有小毒陽也能助神明強筋骨益肌膚倍精血明目
目填骨髓開胃消食助益房事溫利五臟補煖腰脚此西域
婆羅門僧獻方於唐明皇服之有效久秘而後得傳按許真
君書云仙茅久服可以長生其味甘能養肉辛能養節苦能
養氣鹹能養骨滑能養膚酸能養筋宜和苦酒服之必效也
然仙茅性熱惟陽弱精寒稟賦素怯者宜之若體壯相火熾
盛者服之大能動火不可不察凡制用之法於八九月采得
用竹刀刮去黑皮切如豆粒糯米泔浸兩宿去赤汁用酒拌

蒸之從已至亥制之極熟自無毒矣然後曝乾搗篩熟蜜丸
桐子大每空心酒飲任下二三十九忌食牛乳及黑牛肉恐
減藥力也若隨羣補藥中爲丸服之無所不可

天麻

十二

一名赤箭

一名定風草

味辛平陰中有陽治風虛眩暈頭旋眼黑頭痛諸風濕痺四
肢拘攣利腰膝強筋骨安神志通血脈止驚恐恍惚殺鬼精
蟲毒及小兒風癇驚氣然性懦力緩用須加倍或以別藥相
佐然後見功

沙參

十三

反藜蘆

一名鈴兒草

味微甘苦氣味俱輕性微寒能養肝氣治多眠除邪熱益五
臟陰氣清肺涼肝滋養血脈散風熱瘡痒頭而腫痛排膿消
腫長肌肉止驚煩除疝痛然性緩力微非堪大用易老云人
參補五臟之陽沙參補五臟之陰特以其甘涼而和補中清

火反而言之故有是論若云對待人參則相去遠矣

玄參十四反藜蘆

味苦甘微鹹氣寒此物味苦而甘苦能清火甘能滋陰以其味甘故降性亦緩本草言其惟入腎經而不知其尤走肺臟故能退無根浮游之火散周身痰結熱癰逐頸項咽喉痺毒瘰癧結核毆男女傳尸煩燥骨蒸解溫瘧寒熱往來治傷寒熱斑支滿亦療女人產乳餘疾或腸中血痕熱癢并瘵勞傷痰嗽熱煩補腎滋陰明目解渴

茅根十五 卽白茅

味甘涼性純美能補中益氣此良藥也善理血病凡吐血衄血瘀血血閉及婦人經水不調崩中漏下且通五淋除客熱止煩渴堅筋骨療肺熱噦逆喘急解酒毒及黃疸水腫久服大是益人若治癰疽瘡毒及諸毒諸瘡諸血或用根搗傳或

用此者煮汁調傅毒等藥或以酒煮服無不可也茅有數種處
處有之惟白者爲勝春生茅布地如鍼故曰茅鍼可以生噉
甚益小兒功用亦同

淫羊藿 十六

味甘氣辛性溫乃手足陽明少陰三焦命門藥也主陽虛陽
痿莖中作痛化小水益精氣強志意堅筋骨煖下部一切冷
風勞氣筋骨拘攣補腰膝壯真陰及年老昏耄中年健忘凡
男子陽衰女子陰衰艱於子嗣者皆宜服之服此之法或單
用浸酒或兼佐丸散無不可者制法每擇淨一斤以羊脂四
兩同炒油盡用之

苦參 十七

味苦性寒反藜蘆沉也陰也乃足少陰腎經之藥能祛積熱
黃疸止夢遺帶濁清小便利水除癰腫明目止淚平胃氣能

令人嗜食利九竅除伏熱狂邪止渴醒酒療惡瘡斑疹疥癩
殺疳虫及毒風煩躁眦眉炒黃爲末米飲調服治腸風下血

熱痢

貝母

十八
反烏頭

味苦氣平微寒氣味俱輕功力頗緩用須加倍善解肝藏鬱
熱亦散心中逆氣祛肺痿肺癰痰膿喘嗽研末沙糖爲丸含
燕最佳降胸中因熱結胸及乳癰流痰結核若足生人面諸
瘡燒灰油調頻敷產難胞表不出研末用酒和吞亦除癢疝
喉痺金瘡并止消渴煩熱赤眼翳膜堪點時疾黃疸能敵○
又如半夏貝母俱治痰嗽但半夏兼治脾肺貝母獨善清金
半夏用其辛貝母用其苦半夏用其溫貝母用其涼半夏性
速貝母性緩半夏散寒貝母清熱性味陰陽大有不同俗有
代用者其謬孰甚

土貝母十九

反烏頭

味大苦性寒陰也降也乃手太陰少陽足陽明厥陰之藥大治肺癰肺痿欬喘吐血衄血最降痰氣善開鬱結止疼痛消脹滿清肝火明目除時氣煩熱黃疸淋閉使血溺血解熱毒殺諸虫及療喉痺癰乳癰發背一切癰瘍腫毒濕熱惡瘡痔漏金瘡出血火瘡疼痛為未可敷煎湯可服性味俱厚較之川貝母清降之功不啻數倍

山慈姑二十

一名金燈籠

味甘微辛有小毒治癰瘍疔腫瘡癩癰結核破皮攻毒俱宜醋磨傅之除野斑剝人面皮宜搗汁塗之并治諸毒蠱毒蛇虫狂犬等傷或用酒調服或乾摻之亦治風痰癩疾以茶清研服取吐可愈

示切二一

味苦微辛氣平微寒氣味俱輕升也陽中之陰用此者用其
涼散平肝之熱入肝胆三焦心胞四經其性涼故解寒熱往
來肌表潮熱肝胆火炎胸脇痛結兼治瘡瘍血室受熱其性
散故主傷寒邪熱未解溫瘧熱盛少陽頭痛肝經鬱證總之
邪實者可用真虛者當酌其宜雖引清氣上升然升中有散
中虛者不可散虛熱者不可寒豈容談哉兼之性滑善通大
便凡溏泄脾薄者當慎用之熱結不通者用佐當歸黃芩正
所宜也○慮謂柴胡之性善泄善散所以大能走注大能泄
氣斷非滋補之物凡病陰虛水虧而孤陽勞熱者不可再損
營氣蓋未有用散而不泄營氣者未有動汗而不傷營血者
營卽陰也陰旣虛矣尚堪再損其陰否然則用柴胡以治虛
勞之熱者果亦何所取義耶觀寇宗奭衍義曰柴胡本經並
無一字治勞今人治勞方中鮮有不用者嗚呼凡此誤世甚

多嘗原病勞之人有一種藏本虛損復受邪熱者當須酌
用之如經驗方中治勞苦高煎之用柴胡正合宜耳若或無
邪得此愈甚雖至死人亦不怨日擊甚多目華子又未補
勞七傷藥性論亦謂治勞之羸瘦若此等病苟無貫熱醫
執而用之不死何待注釋本草一字不可忽蓋萬世之後所
誤無窮而不謹哉觀此寇氏之說其意專在邪熱二字謂但
察有邪無邪以決可用不可用此誠得理之見而復有非之
者抑又何也卽在王海藏亦曰苟無實熱而用柴胡不死何
待凡此所見畧同用者不可不察

桔梗一名薺芩

味苦微辛氣微涼氣輕於味陽中有陰有小毒其性浮用此
者用其載藥上升故有舟楫之號入肺胆胸膈上焦載散藥
表散寒邪載涼藥清咽疼喉痺亦治赤目腫痛載肺藥解肺

熱肺癰鼻塞唾膿欬載痰藥能消痰止嘔亦可寬胸下
引大黃可使上升引青皮平肝止痛能解中惡壅毒亦治驚
癇怔忡若欲專用降劑此物不宜同用

防風二三

味甘辛氣溫升也陽也用此者用其氣平散風雖膀胱脾胃
經藥然隨諸經之藥各經皆至氣味俱輕故散風邪治一身
之痛療風眼止冷淚風能勝濕故亦去濕餘則體濕者若隨
實表補氣諸藥亦能收汗升舉陽氣止膺虛下血崩漏然此
風藥中之潤劑亦能走散上焦元氣誤服久服反能傷人

細辛

二四 反藜蘆 忌生菜

味大辛氣溫氣味俱厚升也陽也有小毒用此者用其溫散
善祛陰分之寒邪除陰經之頭痛益肝溫胆利竅逐諸風濕
庫風癰虛瘧鼻齩不聞香臭開關通竅散風淚目疼口臭牙

出煎湯含漱過服亦散真氣不可不知此味辛甚故能逐陰分之邪陰分且然陽分可知舊云少陰厥陰之藥然豈有辛而不入陽分者但陽證忌熱用當審之

羌活 二五

味微苦氣辛微溫升也陽也用此者用其散寒定痛能入諸經太陽爲最散肌表之寒邪利周身項脊之疼痛排太陽之癰疽除新舊之風濕緣非柔懦之物故能撥亂反正惟其氣雄大能散逐若正氣虛者忌用之

活 二六

味苦氣香性微涼升中有降善行滯氣故入腎與膀胱兩經理下焦風濕兩足痛痺濕癢拘攣或因風濕而齒痛頭眩逆奔豚疝瘕腰腹疼痛等證皆宜用之

二七

味微苦氣平氣味俱輕浮而升陽也。用此者，用其升散提氣，乃脾胃肺與大腸四經之藥。善散陽明經風寒肌表邪熱，提元氣之下陷，舉大腸之脫泄，除陽明溫疫表邪，解膚腠風熱，斑疹引石膏，除齒牙臭爛，腫痛引芩，頭去陽明表證，頭疼佐當歸，肉菴蓉可通大便結燥，凡癰疽痘疹陽虛不能起發及瀉痢崩淋夢遺脫肛陽虛下陷之類，用佐補劑皆所宜也。若上實氣壅諸火炎上及太陽表證皆不宜用。且其味苦氣散，若血氣太虛及水火無根者並不可用。

前胡 二八

味苦氣寒降也。陰中微陽，去火痰實熱，開氣逆結滯，轉筋霍亂，除胸中痞滿，氣喘嘔逆，欬嗽煩悶，治傷寒寒熱風熱頭疼，解嬰兒疳熱。

延胡索 二九

味苦微辛氣微溫入肝脾二經善行滯氣破滯血血中氣藥故能止腹痛通經調月水淋滯心氣疼痛破癥癖跌撲凝瘀亦善落胎利小便及產後逆血上衝俱宜以酒煮服或用酒磨服亦可然性惟破氣逐血必直有血逆氣滯者方可用若產後血虛或經血枯少不利氣虛作痛者皆大非所宜

紫草 三十

味苦性寒此手厥陰足厥陰血分之藥性寒而利能涼血滑血通利二便故痘疹家宜用之凡治痘疹無論未出已出但血熱毒盛或紫或黑而大便秘結者宜用之若已出紅活不紫不黑而大便如常通利者即不可用故曾世榮活幼心書云紫草性寒小兒脾氣實者猶可用脾氣虛者反能作瀉又若古方惟用其茸亦取其氣輕味薄而有清涼升發之功也此外可用以解黃疸消腫脹及一切斑疹惡瘡亦以其能利

九竅通水道法濕涼血而然也

白芨 三二

味苦澁性收斂微寒反烏頭能人肺止血療肺癰肺痿治癰疽敗爛惡瘡刀箭湯火損傷生肌止痛俱可為末傅之凡吐血不能止者用白芨為末米飲調服即效

三七 三二

味甘氣溫及陽明厥陰血分之藥故善止血散血定痛凡金刃刀箭所傷及跌撲杖瘡血出不止嚼爛塗之或為末摻之其血即止亦治吐血衄血下血血痢崩漏經水不止產後惡血不下俱宜嚼或為末米飲送下二三錢若治虎咬蛇傷等證俱可服可傅

藥之性用與根大同凡折傷跌撲出血傅之即止青腫亦散

自蘇皮 三三

味苦寒性燥而降乃手足太陰陽明之藥解熱黃酒黃急黃
穀黃勞黃通關節九竅利血脈小水治時行大熱飲水狂躁
叫呼及婦人陰中腫痛小兒風熱驚癇尤治一切毒風風瘡
疥癬赤爛楊梅瘡毒眉髮脫落此雖善理瘡瘍而實為諸黃
風痺要藥

秦芫 三四

味苦性沉寒沉中有浮手足陽明清火藥也治風寒濕痺利
小水療通身風濕拘攣手足不遂清黃疽解溫疫熱毒除口
噤牙疼口瘡腸風下血及虛勞骨蒸發熱潮熱煩渴及婦人
胎熱小兒疳熱瘦弱等證

地榆 三五

味苦微瀋性寒而降既清且瀉故能止吐血衄血清火明目
治腸風血痢及婦人崩漏下血月經不止帶濁痔漏產後陰

氣散失亦歛盜汗療熱瘡陰惡肉止瘡毒疼痛凡血熱者當用虛寒者不相宜也作膏可貼金瘡搗汁可塗虎犬蛇虫傷毒飲之亦可

黃芩二六

味苦氣寒氣輕於味可升可降陰中微陽枯者善於入肺實者善入大腸欲其上者酒炒欲其下者生用枯者清上焦之火消痰利氣定喘嗽止失血退往來寒熱風熱濕熱頭痛解瘟疫清咽療肺癆肺癰乳癰發背尤祛肌表之熱故治斑疹鼠瘻瘡瘍赤眼實者涼下焦之熱能除赤痢熱畜膀胱五淋澁痛大腸閉結便血漏血胎因火盛不安酌佐砂仁白朮腹因火滯為痛可加黃連厚朴大腸無火滑泄者最當慎用

黃連二七

味大苦氣大寒味厚氣薄沉也降也降中微升陰中微陽專

治諸火火在上炒以酒火在下炒以童便火而嘔者炒以薑汁火而伏者炒以鹽湯同吳茱萸炒可以止火痛同陳壁土炒可止熱瀉同枳實用可消火眼同天花粉用能解煩渴同木香丸和火滯下痢腹痛同吳茱萸丸治胃熱吐吞酸水總之其性大寒故惟平肝涼血肅胃清腸涼胆止驚癇瀉心除痞滿上可治吐血衄血下可治腸澀便紅療婦人陰戶腫痛除小兒食積熱疳殺虻虫消惡瘡癰腫除濕熱鬱熱善治火眼亦消痔漏解烏附之熱殺巴豆之毒然其善瀉心脾實火虛熱妄用必致格陽 寇宗奭曰虛而冷者慎勿輕用王海藏曰夏月久血痢不用黃連陰在內也○景岳曰人之脾胃所以盛載萬物發生萬物本象地而屬土土煖則氣行而燥土寒則氣凝而濕土燥則實土溼則滑此天地間不易之至理黃連之苦寒若此所以過服芩連者無不敗脾此其濕滑

亦自明顯易見獨因陶弘景別錄中有調胃厚腸之一言而
劉河間復證之曰諸苦寒藥多泄惟黃連黃檗性冷而燥因
致後世視爲奇見無不謂黃連性燥而厚腸胃凡治瀉痢者
開手便是黃連不知黃連黃柏之燥於何見之呼嗚一言之
謬流染若此難洗若此諄埋惑人莫此爲甚雖曰黃連治痢
亦有效者然必其素稟陽臟或多縱口腹濕熱爲痢者乃其
所宜且凡以縱肆不節而血氣正強者卽或誤用未必殺人
久之邪去亦必漸愈而歸功黃連何不可也此外則凡以元
氣素弱傷脾患痢或本無火邪而寒濕動脾者其病極多若
妄用黃連則脾腎日敗百無一生凡患痢而死者率由此類
可不寒心余爲此言而人有未必信者多以苦燥二字有未
明耳故余於傳忠錄辨河間條中復詳言苦味之理以俟衛
生仁者再爲贊正庶是非得明而民生有攸賴矣。道書言

服黃連犯猪肉令人泄瀉

胡黃連三八

味大苦大寒其性味功用大似黃連能涼肝明目治骨蒸勞熱三消吐血衄血五心煩熱療婦人胎熱虛驚熱痢及小兒疳熱驚癇浸人乳黥目甚良

知母三九

味苦寒陰也其性沉中有浮浮則入手太陰手少陰沉則入足陽明足厥陰足少陰也故其在上則能清肺止渴却頭痛潤心肺解虛煩喘嗽吐血衄血去喉中腥臭在中則能退胃火平消瘴在下則能利小便潤大便去膀胱肝腎濕熱腰脚腫痛并治勞瘵內熱退陰火解熱淋崩濁古書言知母佐黃栢滋陰降火有金水相生之義蓋謂黃栢能制膀胱命門陰中之火知母能消肺金制腎水化源之火去火可以保陰是

卽所謂滋陰也故潔古東

坦皆

滋陰降火之要藥繼自

丹溪而後則皆用以爲補
本無生氣用以清火則可
巽順似乎有德倘元氣既
人在朝而國家元氣日受
可不見之真而辨之早也

陰誠大謬矣夫知母以沉寒之性
用以補陰則何補之有第其陰柔
虧猶欲藉此以望補益是亦猶小
其劑有陰移焉而莫之覺者是不

龍胆草 四十

味大苦大寒陰也沉也乃

足厥陰少陽之正藥大能瀉火但

引以佐使則諸火皆治故

能退骨蒸疳熱除心火驚癇狂躁

胃火煩熱黃疸咽喉腫痛

肝腎膀胱伏火小水淋閉血熱瀉

痢下焦濕熱癰腫瘡毒疼

痛婦人血熱崩淋小兒熱疳客忤

去目黃睛赤腫痛殺蠱毒

腸胃諸虫及風熱盜汗凡肝腎有

餘之火皆其所宜

隰草部

地黃四一

生地黄味苦甘氣涼氣薄味厚沉也陰也鮮者更涼乾者微涼能生血補血涼心火退血熱去煩躁骨蒸熱痢下血止嘔血衄血脾中濕熱或婦人血熱而經枯或上下三消而熱渴總之其性頗涼若脾胃有寒者用宜斟酌

熟地黄味甘微苦味厚氣薄沉也陰中有陽本草言其入手足厥少陰經大補血衰滋培腎水填骨髓益真陰專補腎中

元氣兼療藏血之經此雖一之得其概亦豈足以盡是之妙夫

地黃產於中州沃土之鄉得土氣之最厚者也其色黃土之

色也其味甘土之味也得土之氣而曰非太陰陽明之藥吾

弗信也惟是生者性涼脾胃喜煖故脾陽不足者所當慎用

至若熟則性平稟至陰之德氣味純靜故能補五藏之真陰而又於多血之藏爲最要得非脾胃經藥耶且夫人之所以有生者氣與血耳氣主陽而動血主陰而靜補氣以人參爲主而芪朮但可爲之佐補血以熟地爲主而芎歸但可爲之佐然在芪朮芎歸則又有所當避而人參熟地則氣血之必不可無故凡諸經之陽氣虛者非人參不可諸經之陰血虛者非熟地不可人參有健運之功熟地稟靜順之德此熟地之與人參一陰一陽相爲表裏一形一氣互主生成性味中正無踰於此誠有不可假借而更代者矣凡諸真陰虧損者有爲發熱爲頭疼爲焦渴爲喉痺爲嗽痰爲喘氣或脾腎寒逆爲嘔吐或虛火載血於口鼻或水泛於皮膚或陰虛而泄利或陽浮而狂躁或陰脫而什地陰虛而神散者非熟地之守不足以聚之陰虛而火升者非熟地之重不足以降之陰

虛而躁動者非熱地之靜不足以鎮之陰虛而剛急者非熱地之甘不足以緩之陰虛而水邪泛濫者含熟地何以自制陰虛而真氣散失者含熟地何以歸源陰虛而精血俱損脂膏殘薄者含熟地何以厚腸胃且猶有最玄最妙者則熟地兼散劑方能發汗何也以汗化於血而無陰不作汗也熟地兼溫劑始能回陽何也以陽生於下而無復不成乾也然而陽性速故人參少用亦可成功陰性緩熟地非多難以奏效而今人有畏其滯膩者則崔氏何以用腎氣丸而治痰浮有畏其滑澤者則仲景何以用八味丸而醫腎泄有謂陽能生陰陰不能生陽者則陰陽之理原自互根彼此相須缺一不可無陽則陰無以生無陰則陽無以化故內經曰精化爲氣得非陰亦生陽乎孰謂陽之能生而陰之不能長也又若制用之法有用薑汁拌炒者則必有中寒兼嘔而後可有周砂

仁制者則必有脹滿不行而後可有用酒拌炒者則必有經絡壅滯而後可使無此數者而必欲強用制法是不知用熟地者正欲用其靜重之妙而又爲散動以亂其性何異畫蛇而添足今之人卽欲用之補陰而必兼以滲劑則焉知補陰不利水利水不補陰而補陰之法不宜滲卽有用之補血而復疑其滯膩則焉知血虛如燥土旱極望雲霓而枯渴之腸極喜滋設不明此則少用之尚欲兼之以利又孰敢單用之而任之以多單用而多且不敢又孰敢再助以甘而盡其所長是又何異因咽而廢食也嗟嗟熟地之功其不申於時用者久矣其有不可以筆楮盡者尚多也予今特表而出之尚祈明者之自悟焉

牛膝 四二

味苦甘氣微涼性降而滑陰也忌牛肉酒漬咬咀走十二經

絡助一身元氣主手足血熱痿痺血燥拘攣通膀胱清秘大腸乾結補髓填精益陰活血治腰膝痠疼滋髮髮枯白其性下走如奔故能通經閉破血癥引諸藥下降同麝香用墮胎尤速凡藏寒便滑下元不固者當忌用之

麥門冬 四三

味甘微苦性微寒降也陽中陰也去心用恐令人煩其味甘多苦少故上行心肺補上焦之津液清胸膈之渴煩解火炎之嘔吐退血燥之虛熱益精滋陰澤肌潤結肺痿肺癰欬唾衄血經枯乳汁不行肺乾欬嗽不絕降火清心消痰補怯復脈須仗人參便滑中寒者勿設

續斷 四四

川者色灰黑尖瘦多蘆形如雞脚皮斷而皺者是味苦而澁苦重澁輕氣微涼他產者味甘微辛澁少用川者良凡用此

者用其苦澁其味苦而重故能入血分調血脈消腫毒乳癰
瘰癧痔瘻治金損跌傷續筋骨血脈其味澁故能止吐血衄
血崩淋胎漏便血尿血調血痢縮小便止遺精帶濁佐之以
甘如甘草地黃人參山藥之類其效尤捷

蜀葵子 四五

味甘性寒能利小水通淋閉消水腫潤大腸催生落胎通乳
汁亦治一切瘡疥并癩疵赤靨苗葉可作菜茹古以葵為五
菜之主今不復用之矣

黃葵花 性滑利與蜀葵大同若治諸惡瘡膿水久不瘥者
用花為末傅之即愈為瘡家要藥浸油可塗湯火瘡

車前子 四六 即芡苳

味甘微鹹氣寒入膀胱肝經通尿管熱淋澁痛毆風熱目赤
翳膜利水能除濕痺性滑極善催生兼治濕熱瀉痢亦去心

胸煩熱

根葉

生搗汁飲治一切尿血衄血熱痢尤逐氣癰利水

白蒺藜四七

味苦微辛微甘微涼能破癥瘕結聚止遺溺泄精療肺痿肺癰翳膜目赤除喉痺癬疥痔瘰癧風通身濕爛惡瘡乳巖帶下俱宜催生止煩亦用涼血養血亦善補陰用補宜炒熟去刺用涼宜連刺生擣去風解毒白者最良沙苑蒺藜性亦大同若用固精補腎止遺瀝尿血縮小便止煩渴去燥熱則亦可用此

紅花四八

味甘微苦微辛氣微涼陰中微陽惟入血脉多用女科少用可活血引經多用能破血通瘀可下死胎亦療血暈達痘瘡血熱難出散斑疹血滯不消潤燥活血止痛通經亦消腫毒

紫苑 四九

味苦平微辛辛能入肺苦能降氣故治欬嗽上氣痰喘惟肺實氣壅或火邪刑金而致欬唾膿血者乃可用之若以勞傷補不足治五勞體虛其亦言之過也

肺腎水虧金燥而欬喘失血者則非所宜觀陶氏別錄謂其

甘菊花 五十 白菊花根善利水搗汁和酒服之大治瘧閉

味甘色黃者能養血散風去頭目風熱眩暈疼痛目中翳膜及遍身遊風風疹作枕明目葉亦可用

味苦者性涼能解血中鬱熱清頭目去風熱眼目腫痛流淚根葉辛香能消癰毒止疼痛

野菊花 五一 一名苦蕒

根葉莖花皆可同用味苦辛大能散火散氣消癰毒疔腫癩癧眼目熱痛亦破婦人瘀血孫氏治癰毒方用野菊連根葉

搗爛酒煎熱服取汗以渣敷之或同蒼耳搗汁以熱酒衝服
冬月用乾者煎服或爲末酒服亦可

稀簽 五二

味苦氣微寒有小毒此物氣味頗峻善逐風濕諸毒用蜜酒
層層和灑九蒸九曝蜜丸空心酒吞多寡隨宜善治中風口
眼歪邪除濕痺腰脚痠痛麻木生者酒煎逐破傷風危急如
神散撒麻疔惡毒惡瘡浮腫虎傷狗咬蜘蛛虫毒或搗爛封
之或煎湯或散敷並良其掃蕩功力若此似於元氣虛者非

利

益母草 五三

子名茺蔚

味微若微辛微寒性滑而利善調女人胎產諸證故有益母
之號能去死胎滑生胎活血涼血行血故能治產難胎衣不
下子死腹中及經脈不調崩中漏下尿血瀉血瘀血等證然

惟血熱血滯及胎產艱澁者宜之若血氣素虛兼寒及滑陷不固者皆非所宜不得以其益母之名謂婦人所必用也蓋用其滑利之性則可求其補益之功則未也本草言其久服益精輕身誠不足信此外如退浮腫下水氣及打撲瘀血通大小便之類皆以其能利也若治疔腫乳癰丹毒惡毒則可搗汁飲之其渣亦可敷貼

子名芫蔚功用略同但子味微甘稍溫故能涼血補血亦益陰氣明目

芫麥 五四

味苦微寒降也性滑利能通小便降陰火除五淋利血脈兼涼藥亦消眼目腫痛兼血藥則能通經破血下胎凡下焦濕熱疼痛諸病皆可用之

茵陳 五五

味苦微辛氣微寒陰中微陽入足太陽經用此者用其利濕
逐熱故能通關節解熱滯療天行時疾熱狂頭痛利小水專
治黃疸宜佐梔子黃而濕者多腫再加慘利黃而燥者乾澀
再加涼潤只有陰黃一證因以中寒不運此非所宜又解傷
寒瘴瘧火熱散熱痰風熱疼痛濕熱為痢尤其所宜

青蒿

五六

味苦微辛性寒陰中有陽降中有散主肝腎三焦血分之病
療陰火伏留骨節故善治骨蒸勞熱尸疰鬼氣降火滋陰潤
顏色長毛髮治瘧疾寒熱殺虫毒及惡瘡濕疥生搗可傅金
瘡止血止痛

欬冬花

五七

味微甘微辛而溫其氣浮陽也入手太陰經能溫肺氣故療
欬嗽及肺癰肺痿欬唾膿血寇宗

有人病嗽多日或教

以燃欵冬花二兩於無風處以筆管吸其烟滿口則嗽之數
日果效

麻黃五入

味微苦微瀋氣溫而辛升也湯也此以輕揚之味而兼辛溫
之性故善達肌表走經絡大能表散風邪祛除寒毒一應瘧
疫瘧疾瘴氣山嵐凡足三陽表實之證必宜用之若寒邪深
入少陰厥陰筋骨之間非用麻黃官桂不能逐也但用此之
法自有微妙則在佐使之間或兼氣藥以助力可得衛中之
汗或兼血藥以助液可得營中之汗或兼溫藥以助陽可逐
陰凝之寒毒或兼寒藥以助陰可解炎熱之瘟邪此實傷寒
陰瘧家第一要藥故仲景諸方以此為首實千古之獨得者
也今見後人多有畏之為毒藥而不敢用又有謂夏月不宜
用麻黃者皆不達可哂也雖在李氏有云若過發則汗多亡

陽若自汗表虛之人用之則脫人元氣是皆過用及誤用而然若陰邪深入則無論冬夏皆所最。又何過之有此外如手太陰之風寒欬嗽手少陰之風熱斑疹足少陰之風水腫脹足厥陰之風痛目痛凡宜用散者惟斯為最然柴胡麻黃俱為散邪要藥但陽邪宜柴胡陰邪宜麻黃不可不察也○制用之法須折去粗根入滾湯中煮三五沸以竹片掠去浮沫晒乾用之不爾令人動煩

麻黃根 味甘平 微苦微瀋同甘 飲藥煎服可以止汗同牡蠣粉米粉或川舊焦扇柞未等分以生絹袋盛貯用撲盜汗或夏月多汗川之俱佳

萱草 五九

一名忘憂

一名宜男

一名鹿葱

萱草者詩作諼昔凡樹人玩此者可解憂思故名忘憂烹食其苗氣味如葱而鹿喜食之故名鹿葱婦人佩其花則生男

故名宜男花葉氣味甘而微涼故能去濕熱利小便赤澀除
煩渴酒濕甚裏疽安五臟利胸膈令人和悅亦能明目

根治沙淋帶濁利水氣解酒疸宜搗汁服之治吐血衄血研

汁一大盞和薑汁細細呷之治吹乳乳癰腫痛須搗酒服以

渣封之

連翹六十

味苦微辛氣微寒氣味俱薄輕清而浮升也陽中有陰入手

少陰手足少陽陽明瀉心經客熱降脾胃濕熱去寸白蚘虫

通月水五淋以其味苦而輕故善澤肌表散鼠疫癰瘰癧癭瘤

結熱蠱毒癰毒斑疹治瘡癩止痛消腫排膿瘡家號為聖丹

以其辛而能散故又走經絡通血凝氣滯結聚所不可無

旋覆花六一

味苦甘微辛陰也降也乃手太陰肺經手陽明大腸經藥開

結氣降痰涎通水道消腫滿凡氣壅濕熱者宜之但其性在走散故凡見大腸不實及氣虛陽衰之人皆所忌用

瓜粘子六二 一名牛旁子 一名大力子

味苦辛降中有升治風毒斑疹諸瘡散瘡瘍腫毒喉痺及腰膝凝寒痺滯之氣以其善走十二經而解中有散也

決明六三

味微苦微甘性平微涼力薄治肝熱風眼赤而多淚及肝火目昏可為佐使惟多服久服方可得效或作枕用治頭風明目其功勝于黑豆

葶藶六四

味苦大寒沉也陰也氣味俱厚有毒善逐水氣不減大黃但大黃能泄血閉葶藶能泄氣閉氣而水自行也苦肺中水氣贖滿脹急者非此不能除然性急利甚凡涉氣虛者不可

輕用淮南子曰大戟去水芒蘆愈脹用之不慎乃反成病卽此謂也芑此有甜苦二種雖曰爲甜然亦非真甜但稍淡耳稍淡者其性亦稍緩

夏枯草六五

味微苦微辛氣浮而升陰中陽也善解肝氣養肝血故能散結開鬱大治瘰癧鼠痿乳癰瘦氣并治頭瘡目疾樓全善云夏枯草治目珠痛至夜則甚者神效或用苦藥點眼反甚者亦神效一男子目珠痛至夜則重用黃連點之更甚諸藥不效乃用夏枯草二兩香附二兩甘草四錢爲末每服一錢半清茶調服下咽卽疼減至四五服良愈也

蒼耳子六六

一名羊負來

味苦微甘治頭風寒痛風濕周痺四肢拘攣去風明目養血煖腰膝及瘰癧瘡疥亦治鼻淵宜炒熟爲末白湯點眼一一

錢久之乃效忌猪肉馬肉

漏蘆六七

味微鹹性寒有小毒主熱毒惡瘡癰癤乳癰痔漏排膿長肉
止金瘡血出亦下乳汁通經脈消赤眼利小便止尿血腸風
淋瀝遺溺及小兒壯熱療跌撲損傷可續筋骨

劉寄奴六八

味苦性溫能破瘀血活新血通婦人經脈產後餘血損傷瘀
血下氣止心腹痛及小便去血俱可為散或茶或酒調服搗
敷金瘡出血不止其效尤捷用治湯火傷大效但為未摻之

菖蓄六九

味苦瀉利小便除黃疸殺三虫去下部濕熱浸淫陰蝕瘡疥
痔漏煮汁飲之療小兒蛭虫上攻心腹作痛大效有海上歌

云心頭急痛不能當我有仙人海上方菖蓄醋煎通口吐管

教時刻即安康

青箱子七十 野雞冠子也

味微苦微寒能清肝火血熱故治赤眼退赤障消翳腫鎮肝
明耳目亦去風濕惡瘡疥癩

又七一

味微苦氣辛生用微溫熟用微熱能通十二經而尤為肝脾
腎之藥善於溫中逐冷除濕行血中之氣氣中之滯凡婦人
血氣寒滯者最宜用之故能安胎止心腹痛治帶下血崩媛
腰膝止吐血下痢辟風寒寒濕瘴癘霍亂轉筋及一切冷氣
鬼氣殺虵虫并下部蠶瘡或生用搗汁或熟用煎湯或用炙
百病或炒熱熨可通經絡或袋盛包裹可溫臍膝表裏生
熟俱有所宜

佛耳草七二

一名鼠麴草

味微酸性温大温肺氣止寒嗽散痰氣解風寒寒熱亦止泄瀉鋪艾捲作烟筒用薰久嗽尤效

藍靛七三

藍葉氣味苦寒微甘善解百虫百藥毒及治天行瘟疫熱毒發狂風熱斑疹癰瘍腫痛除煩渴止鼻衄吐血殺疳蝕金瘡箭毒凡以熱兼毒者皆宜搗汁用之

○靛青乃藍與石灰所成性與藍葉稍異其殺虫止血傳諸熱毒熱瘡之功似有勝於藍葉者

○青黛味微鹹平寒性與靛青大同解諸熱毒虫毒金瘡熱瘡或乾搽或以水調敷若治諸熱瘡毒或用馬齒莧加青黛同搗傅之若治天行頭痛瘟疫熱毒及小兒諸熱毒癰發熱並宜水研服之

味微苦微甘性温而升陽也性亞麻黃故能發汗解肌治傷寒瘧疾去風濕散火邪療目疾退翳障止腸風下血下痢及婦人崩中帶漏月水不調亦治風濕痠痛大腸脫肛

王不留行七五 一名金盞銀臺

味苦平性滑利乃陽明衝任血海藥也治風毒通血脉療婦人難產及經滯不調下乳汁利小便除風濕痺痛止心煩鼻衄發背癰疽瘡癩遊風風疹出竹木刺及金瘡止血亦能定痛

海金沙七六

此草出黔中七月收其全科晒乾以杖擊之則細沙自莖葉中落味甘性寒乃小腸膀胱血分藥也善通利水道解鬱熱濕熱及傷寒熱狂小便癃閉腫滿熱淋膏濁血淋石淋莖中疼痛解諸熱毒或丸或散皆可用

燈心草 七七

味淡性平能通水道澀結癰閉治五淋瀉肺熱降心火除水腫止血通陰氣散腫止渴但用敗蓆煮服更良若治喉痺宜燒燈草灰吹之若治下疳瘡亦用燒灰加輕粉麝香為末搽之

烟 又七七

味辛氣溫性微熱升也陽也燒烟吸之大能醉人用時惟吸一口或二口若多吸之令人醉倒久而後甦甚者以冷水一口解之即醒若見煩悶但用白糖解之即安亦奇物也吸時須開喉長吸燕下令其直達下焦其氣上行則能溫心肺下行則能溫肝脾腎服後能使通身溫暖微汗元陽陡壯用以治表善逐一切陰邪寒毒山嵐瘴氣風濕邪閉腠理筋骨疼痛誠頃刻取效之神劑也用以治裏善壯胃氣進飲食祛陰

濁寒滯消膨脹宿食止嘔噦霍亂除積聚諸蟲解鬱結止疼
痛行氣停血瘀舉下陷後墜通達三焦立刻見效此物自古
未聞也近自我明萬曆時始出於閩廣之間自後吳楚間皆
種植之矣然總不若閩中者色微黃質細名爲金絲烟者力
強氣勝爲優也求其習服之始則向以征滇之役師旅深入
瘴地無不染病獨一營安然無恙問其所以則衆皆服烟由
是徧傳而今則西南一方無分老幼朝夕不能間矣予初得
此物亦甚疑貳及習服數次乃悉其功用之捷有如是者因
著性於此然此物性屬純陽善行善散惟陰滯者用之如神
若陽盛氣越而多躁多火及氣虛氣短而多汗者皆不宜用
或疑其能頃刻醉人性必有毒今彼處習服既久初未聞其
妨人者抑又何耶蓋其陽氣強猛人不能勝故下咽卽醉既
能散邪亦必耗氣理固然也然烟氣易散而人氣隨復陽性

留中旋亦生氣此其耗中有補故人多喜服而未見其損者
以此○後檳榔條中有說當與此參閱

芳草部

當歸 七八

味甘辛氣溫氣輕味重可升可降陰中有陽其味甘而重故
專能補血其氣輕而辛故又能行血補中有動行中有補誠
血中之氣藥亦血中之聖藥也頭止血上行身養血中守尾
破血下流全活血不走大約佐之以補則補故能養營養血
補氣生精安五臟強形體益神志凡有形虛損之病無所不
宜佐之以攻則通故能祛痛通便利筋骨治拘攣癱瘓燥澀
等證然虛而表不解者佐以柴葛麻桂等劑大能散表衛熱
而表不斂者佐以六賁之類又能固表惟其氣辛而動故飲

其靜者當避之性滑善行大便不固者當避之凡陰中火盛者當歸能動血亦非所宜陰中陽虛者當歸能養血乃不可少若血滯而爲痢者正所當用其要在動滑兩字若婦人經期血滯臨產催生及產後兒枕作痛俱當以此爲君小兒痘疹驚癇凡屬營虛者必不可少

川芎七九

味辛微甘氣溫升也陽也其性善散又走肝經氣中之血藥也反藜蘆畏硝石滑石黃連者以其沈寒而制其升散之性也芎歸俱屬血藥而芎之散動尤甚於歸故能散風寒治頭痛破瘀蓄通血脈解結氣逐疼痛排膿消腫逐血通經同細辛煎服治金瘡作痛同陳艾煎服驗胎孕有無三四月後服此欲動者片也以其氣升故兼理崩漏眩運以其甘少故散則有餘補則不足惟風寒之頭痛極宜用之若三陽火壅於上而痛者得

升反甚今人不明升降而但知川芎治頭痛謬亦甚矣多服久服令人走散真氣能致暴亡用者識之

芍藥八十 反藜蘆

味微苦微甘畧酸性頗寒氣薄於味歛降多而升散少陰也
有小毒白者味甘補性多赤者味苦瀉性多生者更涼酒炒
微平其性沉陰故入血分補血熱之虛瀉肝火之實固腠理
止熱瀉消癰腫利小便除眼疼退虛熱緩三消諸證於因熱
而致者爲宜若脾氣寒而痞滿難化者忌用止血虛之腹痛
歛血虛之發熱白者安胎熱不寧赤者能通經破血此物乃
補藥中之稍寒者非若極苦大寒之比若謂其白色屬金恐
傷肝木寒伐生氣產後非宜則凡白過芍藥寒過芍藥者又
將何如如仲景黑神散芍藥湯之類非皆產後要藥耶用者
還當詳審若產後血熱而陰氣散失者正當用之不必疑也

味辛苦氣微涼氣味俱輕陰中陽也赤者行性多白者行性
緩入足少陰及手厥陰經忌萌蒜涼骨蒸無汗散吐衄瘀血
除產後血滯寒熱祛腸胃蓄血癥堅仍定神志通月水治驚
搐風癩癰腫住痛總之性味和緩原無補性但其微涼而
辛能和血涼血生血除煩熱善行血滯滯去而鬱熱自解故
亦退熱用此者用其行血滯而不峻

白豆蔻八二

味辛氣溫味薄氣厚陽也入脾肺兩經別有清爽之氣散胸
中冷滯溫胃口止疼除嘔逆翻胃消宿食膨脹治噎膈除瘧
疾解酒毒祛穢惡能退翳膜亦消痰氣欲其速效嚼嚙甚良
或爲散亦妙

肉豆蔻八三

味苦辛而澁性溫理脾胃虛冷穀食不消治大腸虛冷滑泄不止以其氣香而辛故能行滯止痛和腹脹治霍亂調中下氣開胃進食解酒毒化痰飲溫胃逐蟲辟諸惡氣療小兒胃寒傷乳吐瀉以其能固大腸腸既固則元氣不走脾氣自健故曰理脾胃虛冷而實非能補虛也麵包煨熟用或剉如豆大以乾麵拌炒熟去麵用之尤妙蓋但欲去其油而用其熟耳

草果 八四 亦名草豆蔻

味辛性溫熱陽也浮也入足太陰陽明能破滯氣除寒氣消食療心腹疼痛解酒毒治瘴癘寒濕傷暑嘔吐瀉痢脹滿友胃吐酸開痰飲積聚噎膈殺魚肉毒開鬱燥濕辟除口臭及婦人惡阻氣逆帶濁此有二種惟建寧所產辛香氣和者佳宜以麩裏微火煨熟用之或麩拌炒熟亦可滇廣者氣辛而

臭大能損人元氣

破故紙 八五

味苦辛氣大溫性燥而降能固下元煖水藏治下焦無火精滑帶濁諸冷頑痺脾腎虛寒而為溏泄下痢以其煖腎固精所以能療腰膝痠疼陰冷囊濕縮小便煖命門小腹止腹中疼痛腎泄以其性降所以能納氣定喘惟其氣辛而降所以氣虛氣短及有煩渴眩暈者當少避之即不得已用於丸中可也忌羊肉芸薹

木香 八六

味苦辛性溫氣味俱厚能升能降陽中有陰行肝脾肺氣滯如神止心腹脇氣痛甚捷和胃氣止吐瀉霍亂散冷氣除脹疼呃逆治熱痢可佐芩連固大腸火煨方用順其氣癥積惡逆自除調其氣安胎月經亦用亦治疫癘溫瘧亦殺蠱毒鬼

精若下焦氣逆諸病亦可縮小便亦能通秘結亦能止氣逆
之動血亦能消氣逆之癰腫

霍香 入七

味辛微甘氣溫氣味俱薄陽也可升可降此物香甜不峻善

快脾順氣開胃口寬胸膈進飲食止霍亂嘔吐理肺化滯加

烏藥等劑亦能健脾入四君同煎能除口臭亦療水腫亦解

酒洗

香附 入八

味苦辛微甘氣溫氣味俱厚陽中有陰血中氣藥也專入肝

胆二經兼行諸經之氣用此者用其行氣血之滯童便炒欲

其下行醋炒則理氣痛開六鬱散寒邪利三焦行結滯消飲

食痰涎痞滿腹脹肘腫脚氣止心腹肢體頭目齒耳諸痛療

霍亂吐逆氣滯泄瀉及吐血下血 血婦人崩中帶下

不調胎前產後氣逆諸病因能解鬱故曰婦人之要藥然其
味辛而動若陰虛躁熱而汗出血失者槩謂其要則大誤矣
此外凡癰疽瘰癧瘡瘍但氣滯不行者皆宜用之爲要藥

砂仁 八九

味辛微苦氣溫和平行氣消食逐寒除霍亂止惡心消脹滿
安氣滯之胎卻腹痛治藏寒之瀉止小便洩痢快胸膈開痰
平氣逆欬嗽口齒浮熱止女子崩中鬼氣奔豚欲其溫煖須
用炒研入肺腎膀胱各隨便引亦善消化銅鐵骨哽

紫蘇 九十

味辛氣溫氣味香竄者佳用此者用其溫散解肌發汗祛風
寒甚捷開胃下食治脹滿亦佳順氣宜用口臭亦辟除霍亂
轉筋祛脚氣通大小腸消痰利肺止痛溫中安胎定喘解魚
蟹毒治蛇犬傷或作羹或生食俱可

梗 能順氣其性緩體虛者可用

子 性潤而降能潤大便消痰喘除五膈定霍亂順氣滯

薄荷九一

味辛微苦氣微涼氣味俱輕升也陽也其性涼散通關節利九竅乃手厥陰太陰經藥清六陽會首散一切毒風治傷寒頭痛寒熱發毒汗療頭風腦痛清頭目咽喉口齒風熱諸病除心腹惡氣脹滿霍亂下氣消食消痰辟邪氣穢惡引諸藥入營衛開小兒之風涎亦治瘰癧癰腫瘡疥風瘙癢疹作菜食之除口氣擣汁含嗽去舌胎語澁揉葉塞鼻止衄血亦治蜂螫蛇傷病新者忌用恐其泄汗亡陽

荆芥九二

味辛苦氣溫氣厚味薄浮而升陽也用此者用其辛散調血能解肌發表退寒熱清頭目利咽喉破結氣消飲食通血脈

行瘀滯助脾胃辟諸邪毒氣醒酒逐濕療頭痛頭旋脊背疼
痛手足筋急癱痺脚氣筋骨煩疼風濕疝氣止下血血痢崩
淋帶濁若產後中風強直宜研末酒服甚妙搗爛醋調傅疔
瘡腫毒最佳亦鼠瘻瘰癧血風瘡疥必用之要藥

白芷 九三

味辛氣溫氣厚味輕升也陽也其性溫散敗毒逐陽明經風
寒邪熱止頭痛頭風頭眩目痛目癢淚出散肺經風寒皮膚
斑疹燥癢治鼻熱鼻淵齒痛眉稜骨痛大腸風秘腸風尿血
其氣辛香達表故治瘡瘍排膿止痛定痛托癰疽肺癰瘰癧
痔瘻長肉生肌炒黑用之提女人血崩漏下赤白血閉陰腫
欲去野斑宜以生用可作面脂亦治蛇傷砒毒金瘡傷損

香薷 九四

味苦辛氣寒氣輕能升能降散暑熱霍亂中脘絞痛小便澀

難清肺熱降胃火除躁煩解鬱滯爲末水服可止鼻衄煮汁
頓飲可除風熱轉筋去口臭濕熱水腫者可消中寒陰厥者
須避之

益智 九五

氣味辛溫能調諸氣辟寒氣治客寒犯胃煖胃和中去心腹
氣滯疼痛理下焦虛寒溫腎氣治遺精餘瀝夢泄赤白帶濁
及夜多小便者取二十餘枚研碎入鹽少許同煎服之有奇
驗此行陽退陰之藥凡脾寒不能進食及三焦命門陽氣衰
弱者皆宜之然其行性多補性少必兼補劑用之斯善若單
服多服未免過於散氣

舊金 九六

味苦辛氣溫善下氣破惡血去血積止吐血衄血血淋尿血
及失心癲狂蠱毒單用治婦人冷氣血積結聚氣滯心腹疼

痛及產後敗血衝心欲死或散或丸或以韭汁薑汁童便并
花水俱可隨宜調服若治痔漏腫痛宜水調敷之耳內腫痛
宜水調灌入少頃傾出即可愈

薑黃 九七

味苦辛性熱善下氣破血除心腹氣結氣脹冷氣食積疼痛
亦治癥瘕血塊通月經產後敗血攻心及撲損瘀血祛邪辟
惡散風熱消癰腫功與鬱金稍同而氣味則尤烈

澤蘭 九八

味微苦微辛善清血和血治吐血衄血療婦人產前產後諸
血不調破宿血除腹痛清新血利關節通水道除癥瘕消撲
損瘀血并治金瘡癰腫瘡膿用在清和故爲婦人聖藥

藁本 九九

味甘辛性溫氣厚味薄升也陽也療諸惡風鬼注除太陽頂

巔頭痛大寒犯腦痛連齒煩及鼻面皮膚酒醯野刺風濕泄瀉冷氣腰疼婦人陰中風邪腫痛此足太陽經風癩霧露瘴疫之要藥

菝葜 一百

味辛大熱陽也浮也入手足陽明亦入肝腎善溫中下氣除胃冷辟陰寒療霍亂心腹疼痛冷痰嘔逆吞酸及虛寒瀉痢腸鳴其味大辛須同參朮歸地諸甘溫補劑用之尤效爲末搗鼻可解偏風頭痛揩齒可殺牙痛牙虫又牛乳煎治唐太宗氣痢方詳列痢疾門

長薑 一百
子各紅豆蔻

味辛熱純陽浮也入足太陰陽明治胃中逆冷嘔吐清水惡心霍亂氣寒腹痛解酒毒消宿食健脾胃寬噎膈除反胃破冷癖解瘴瘧療轉筋瀉痢同草豆蔻煎飲亦治口臭子名紅

豆蔻治用畧同

三稜 百二

氣味苦平能行血中之氣善破積氣逐瘀血消飲食脹滿氣
滯腹痛除痞癖癥痕積聚結塊通月水亦墮胎及產後惡血
撲損瘀血并治瘡腫堅硬制宜醋浸炒熟入藥此與蓬朮稍
同但蓬朮峻而此則差緩耳

蓬朮 百三 一名蓬莪茂

味苦辛氣溫有小毒走肝經善破氣中之血通月經消瘀血
療跌撲損傷血滯作痛在中焦攻飲食氣滯不消胃寒吐酸
膨脹在下焦攻奔豚疝癖冷氣積聚氣腫水腫制宜或酒或
醋炒用或入灰火中煨熟搗切亦可但其性剛氣峻非有壅
頑之積不宜用

蛇床子 百四

黃岳全書

卷之四十八

三

味微苦氣辛性溫乃少陽三焦命門之藥辛能去風煖能溫
腎故可溫中下氣和關節除疼痛開鬱滯療陰濕惡瘡疥癬
縮小便去陰汗止帶濁逐寒疝漱齒痛治男子陽痿腰疼大
益陽事女人陰中腫痛善煖子宮男婦陽衰無子小兒驚癇
撲傷俱可服去皮殼微炒用之凡治外證瘙癢腫痛風瘡俱
宜煎湯薰洗亦可爲末摻敷俱宜生用

蔓草部

天門冬 百五

味苦微甘氣大寒味厚氣薄沉也陰也入肺腎兩經除虛勞
內熱其味苦寒故上定熱喘下去熱淋苦殺三虫潤滋骨髓
解渴除煩消痰止嗽降火保肺退熱滋陰大潤血熱燥結虛
寒假熱脾腎溲泄最忌使宜貝母地黃去皮去心方用

味甘辛氣微溫其性能固入肝脾腎三經先用甜水淘洗淨
浸脹次用酒漬煮熱晒乾炒之更妙補髓添精助陽固泄續
絕傷滋消渴縮小便止夢遺帶濁餘瀝煖腰膝寒疼壯氣力
筋骨明目開胃進食肥肌禁止鬼交尤安夢寐湯液丸散任
意可用古人不入煎劑亦一失也欲止消渴煎湯任意飲之

五味子百七

皮甘肉酸性平而斂核仁味辛苦性溫而煖俱兼鹹味故名
五味入肺腎二經南者治風寒欬嗽北者療虛損勞傷整用
者用其酸生津解渴止瀉除煩療耗散之肺金滋不足之腎
水能收斂虛火亦解除酒毒敲碎者用其辛溫補元陽壯筋
骨助命門止霍亂但感寒初嗽當忌恐其斂束不散肝旺吞
酸當忌恐其助木傷土

味甘瀋微苦陰中有陽性溫此其甘能補澁能固溫能養陽
雖曰肝腎之藥然白者入氣分赤者入血分凡血氣所在則
五陰之臟何所不至故能養血養神助氣壯筋骨強精髓黑
鬚髮亦治婦人帶濁失血產後諸虛等疾第其性效稍緩暫
服若不甚顯必久服之誠乃延年益壽滋生助嗣之良劑至
如斷瘡疾安久痢活血治風療癰腫瘰癧風濕瘡瘍及一切
冷氣腸風宿疾總由其溫固收斂之功血氣固則真元復真
元復則邪自散也故唐之李翱著有何首烏傳卽李時珍亦
曰此物不寒不燥功在地黃門冬之上誠非誣也若其制用
之法則有用黑豈層鋪九蒸九晒者有單用米泔浸三宿切
焙爲末而用者有用壯健人乳拌晒三次生杵爲末而用者
總之生不如熟卽單用米泔浸透蒸之極熱則善矣或不必

人乳與豆也服此之後須忌生蘿蔔并諸血敗血等物

瓜蔓仁 百九

味甘氣寒氣味俱厚性降而潤能降實熱痰涎開鬱結氣閉
解消渴定脹喘潤肺止咳但其氣味悍劣善動惡心嘔吐中
氣虛者不宜用本草言其補虛勞殊為大謬

天花粉 百十 卽瓜瓞根

味苦性寒氣味頗輕有升有降陰中有陽最涼心肺善解熱
渴大降膈上熱痰消乳癰腫毒痔瘻瘡癰排膿生肌長肉除
跌撲瘀血通月水除狂熱去黃疸潤枯燥善解酒毒亦通小
腸治肝火痲痛

金銀花 百十一 一名忍冬

味甘氣平其性微寒善於化毒故治癰疽腫毒瘡癰楊梅風
濕諸毒誠為要藥毒未成者能散毒已成者能潰但其性緩

用須倍加或用酒煮服或搗汁攪酒頓飲或研爛拌酒厚敷
若治瘰癧上部氣分諸毒用一兩許時常煎服極效

葛根

百十二

味甘氣平寒氣輕於味浮而微降陽中微陰用此者用其涼
散雖善達諸陽經而陽明爲最以其氣輕故善解表發汗凡
解散之藥多辛熱此獨涼而甘故解溫熱時行疫疾凡熱而
兼渴者此爲最良當以爲君而佐以柴防甘桔極妙尤散鬱
火療頭痛治溫瘧往來瘡疹未透解酒除煩生津止渴除胃
中熱狂殺野葛巴豆毒箭金瘡等傷但其性涼易於動嘔胃
寒者所當慎用

菖草

百十五

亦名過山龍

味苦甘氣微寒陰中微陽血中要藥其味苦故能行滯血其
性涼故能止動血治勞傷吐衄時來除虛熱漏崩不止亦通

經滯又療乳癰散跌撲血凝瘀聚解蠱毒
熱血瘀並建奇功若女人經血不通以一
兩酒前服之一日
即通甚效若氣虛不攝血及脾寒者勿用

土茯苓百十四 一名仙遺糧

味甘淡性平能健脾胃強筋骨去風濕利
關節分水道止瀉
痢治拘攣骨痛療癰腫喉痺除周身寒濕
惡瘡尤解楊梅瘡
毒及輕粉留毒潰爛疼痛諸證凡治此者
須忌茶酒牛羊鷄
鷩及一應發風動氣等物

使君子百十五

味甘氣溫有小毒性善殺虫治小兒疳積
小便白濁凡大人
小兒有虫病者但於每月上旬侵晨空腹
食數枚或即以黃
煎湯燕下次日虫皆死而出也或云七生
七煨食亦良或云
一歲食一枚食後忌飲熱茶犯之即作瀉
凡小兒食此亦不

宜類而多大約性滑多則能傷脾也李時曰凡殺虫藥多是苦辛惟使君子槿子甘而殺虫亦異也但使君子專殺執
蟲槿子專殺寸白虫耳

牽牛百十六一名黑丑

味苦辛熱氣雄烈性急疾有毒下氣逐水通大小便善走氣
分通水道消氣實氣滯水腫攻癥積落胎殺蟲瀉虫毒去濕
熱痰飲開氣秘氣結古方多爲散九若用救急亦可佐葶藥
煎服然大泄元氣凡虛弱之人須忌之

防已百十七

味苦性寒陰也降也去濕熱水腫利大小便解諸經熱壅腫
痛濕熱脚氣通九竅熱閉逐膀胱肝腎濕熱及熱毒諸瘡濕
熱生虫等證

味微甘而淡氣溫能溫腎去濕理陰痿陰寒失湯白濁莖中
作痛及四肢癱瘓不隨周身風濕惡瘡性味純緩用宜大劑

鈎藤 百十九

味微甘微苦性微寒能清手厥陰之火足厥陰足少陽之風
熱故專理肝風相火之病凡大人小兒驚癇眩運斑疹天鈎
頭旋煩熱等證用之而風靜火息則諸證自除矣

山豆根 百二十

味大苦大寒解諸藥熱毒消癰腫瘡毒殺寸白諸虫含而嚥
汁解咽喉痺痛研末湯服五七分解內熱喘滿腹脹磨汁服
解熱厥心痛研汁塗諸熱毒熱瘡腫痛及諸虫熱毒所傷

威靈仙 百二十一

味微辛微鹹性溫可升可降陰中陽也善逐諸風行氣血走
經絡宣通五藏去腹內冷滯心膈痰水瘕瘕疝辟氣塊積聚

膀胱宿水腰膝肢體冷痛亦療折傷此藥性利善走乃治痛
風之要藥故崔元亮言其去衆風通十二經脈朝服暮效其
法采得根陰乾片餘搗末溫酒調服一錢七空腹服之如入
本性殺藥可加及六錢微利兩行則減之病除乃停藥其性
甚善不觸諸藥但惡茗及麪湯李時珍曰威靈仙辛能泄氣
鹹能泄水故於風濕痰飲之病氣壯者服之有捷效其性大
抵峻利久服恐損真氣氣弱者亦不可服之

馬兜鈴 百二二

味微苦微辛性寒氣薄陰中微陽入手太陰肺經降肺火清
肺氣除熱痰欬喘急不得臥多用則作吐凡蠱毒蛇毒於
飲食中得之咽中如有物噉不下吐不出者以此一兩煎湯
服之卽毒從吐出若治痔瘻腫痛用馬兜鈴於瓶中燒烟熏

病處良

青木香 百二三 卽馬兜鈴根亦名土不香

味苦微辛性寒有毒能吐能利不可多服煮汁服可吐蠱毒
鬼疰諸毒搗末水調塗疔腫熱毒蛇毒日三四次立瘥亦可
傅瘙癢禿瘡

白欬 百二四

味苦微寒性欬取根搗傅癰毒及面上瘡疱刀箭傷湯火毒
諸瘡不斂生肌止痛但宜爲末傅之若爲丸散亦治眼目赤
痛小兒驚癇婦人陰中腫痛赤白帶下

木通 百二五 亦名通草

味苦氣寒沉也降也能利九竅通關節消浮腫清火退熱除
煩渴黃疸治耳聾目痛天行時疾頭痛鼻塞目眩瀉小腸火
鬱利膀胱熱淋導痰濕嘔噦消癰腫壅滯熱毒惡瘡排膿止
痛通婦人血熱經閉下乳汁消乳癰血塊催生下胎若治小

水急數疼痛小腹虛滿宜加葱煎飲若治喉痺咽痛宜濃煎
含漱

毒草部

附子百二十六

氣味辛甘醜者大鹹性大熱陽中之陽也有毒畏人參黃芪
甘草黑豆綠豆犀角童使烏朮防風其性浮中有沉走而不
守因其善走諸經故曰與酒同功能除表裏沈寒厥逆寒噤
濕中強陰煖五藏回陽氣除嘔噦霍亂反胃噎膈心腹疼痛
脹滿瀉痢肢體拘攣寒邪濕氣胃寒虻虫寒痰寒疝風濕麻
痺陰疽癰毒久漏冷瘡格陽喉痺陽虛二便不通及婦人經
寒不調小兒慢驚等證大能引火歸源制伏虛熱善助參芪
成功尤贊木地建效無論表證裏證但脉細無神氣虛無熱

者所當急用故虞搏曰附子稟雄壯之質有斬關奪將之氣能引補氣藥行十二經以追復散失之元陽引補血藥入血分以滋養不足之真陰引發散藥開腠理以驅逐在表之風寒引溫煖藥達下焦以祛除在裏之冷濕吳綬曰附子乃陰證要藥凡傷寒傳變三陰及中寒夾陰雖身大熱而脈沉者必用之或厥冷脈沉細者尤急須用之有退陰回陽之力起死回生之功近世陰證傷寒往往疑似而不敢用直待陰極陽竭而用已遲矣且夾陰傷寒內外皆陰舍此不用將何以救之此二公之言皆至言也不可不察惟孕婦忌服下胎甚速合葱涎塞耳亦可治聾

辨製法 附子製法稽之古者則有單用童便煮者有用薑汁鹽水者有用甘草黃連者有數味皆兼而用者其中宜否最當詳辨夫附子之性熱而剛急走而不守土人醃以重鹽

故其味鹹而性則降今之所以用之者正欲用其熱性以回元陽以補脾腎以行參芪熟地等功若制以黃連則何以藉其回陽若制以鹽水則反以助其降性若制以童便則必不免於尿氣非惟更助其降而凡脾氣大虛者極易嘔噦一聞其臭便動惡心是藥未入口而先受其害且其沉降尤速何以達脾惟是薑汁一制頗通第其以辛助辛似欠和平若果直中陰寒等證欲用其熱此法爲長至若常用而欲得其補性者不必用此又若煮法若不浸脹而煮則其心必不能熟卽浸脹而煮及其心熟則邊皮已太熟而失其性矣雖破而爲四煮亦不勻且煮者必有汁而汁中所去之性亦已多矣皆非制之得法者

製法

用甘草不拘大約酌附二

心多寡而用甘草煎極濃

甜湯先浸數日剝去皮臍切爲四塊又添濃甘草湯再浸二

三日捻之軟透乃咀爲片入鍋文火炒至將乾庶得生熟
等口嚼尚有辣味是其度也若炒太乾則太熟而全無辣味
并其熱性全失矣故制之太過則但用附子之名耳效與不
效無從驗也其所以必用甘草者蓋以附子之性急得甘草
而後緩附子之性毒得甘草而後解附子之性走得甘草而
後益心脾附子之性散得甘草而後調營衛此無他亦不過
濟之以仁而後成其勇耳若欲急用以厚紙包裹沃甘草湯
或煨或炙待其柔軟切開再用紙包頻沃又炙以熟爲度亦
有用麵裹而煨者亦通若果真中陰寒厥逆將危者緩不又
制則單用炮附不必更用他製也

辨毒 附子之性剛急而熱制用失宜難云無毒故欲制之
得法夫天下之制毒者無妙於火火之所以能制毒者以能
盡物之性故以氣而遇火則失其氣味而遇火則失其味剛

者革其剛柔者失其柔故制附之法但用白水者之極熟則亦全失辣味并其熱性俱失形如蘿蔔可食矣尚何毒之足慮哉今制之必用甘草者蓋欲存留其性而柔和其剛耳今人但知附子之可畏而不知大熟之無用也故凡食物之有毒者但制造極熟便當無害卽河豚生蟹之屬諸有病於人者皆其欠熟而生性之未盡也故凡食物之有毒者皆可用此以類推矣至若藥劑之中有當煨煉而用者又何以然大物之經火煨者其味皆鹹澁而所以用煨者非欲去其生剛之性則欲用其鹹澁之味而留性與不留性則其中各有宜否故凡當煨煉而用者皆可因此以類推矣又如藥之性毒者何可不避卽如本草所云某有毒某無毒余則甚不然之而不知無藥無毒也故熱者有熱毒寒者有寒毒若用之不當凡能病人者無非毒也卽如家常茶飯本皆養人之正味

其或過用誤用亦能毒人而况以偏味偏性之藥乎但毒有
大小用有權宜此不可不察耳矧附子之性雖云有毒而實
無大毒但制得其法用得其宜何毒之有今之人不知其妙
且并人參熟地而俱畏之夫人參熟地附子大黃實乃藥中
之四維病而至於可畏勢非慮庸所濟者非此四物不可設
若逡巡必誤乃事今人直至必不得已而後用附子事已無
濟矣事無濟則反罪之將附子誠廢物乎嗟夫人之所以生
者陽氣耳正氣耳人之所以死者陰氣耳邪氣耳人參熟地
者治世之良相也附子大黃者亂世之良將也兵不可久用
故良將用於暫亂不可忘治故良相不可缺矧夫附子雖烈
而其性扶陽有非硝黃之比硝黃似緩而其性陰泄又非極
附可例華元化曰得其陽者生得其陰者死內經曰門戶不
要是倉廩不藏也得守者生失守者死今之人履芒硝大黃

若坦途視參附熟地為蛇蝎愚耶知耶

白附子 百二十七

味甘辛大温有小毒其性升能引藥勢上行辟頭風諸風冷氣心疼風痰眩暈帶濁瘰癧小兒驚風痰搐及而鼻遊風野斑風刺去而痕可作面脂亦治疥癬風瘡陰下濕癢風濕諸病凡欲入藥炮而用之

大黃 百二十八

味苦氣大寒氣味俱厚陰中之陰降也有毒其性推陳致新直走不守奪土鬱壅滯破積聚堅癥瘰癧疫陽狂除斑黃諸語滌胃痰導瘀血通水道退濕熱開燥結消癰腫因有峻烈威風積垢蕩之頃刻欲速者生用湯泡便吞欲緩者熟用和藥煎服氣虛同以人參各黃龍湯血虛同以當歸各玉燭散佐以甘草桔梗可緩其行佐以芒硝厚朴益助其銳用之多

寡酌人實虛假實 誤用與鴆相類

常山 百二十九

味大苦性寒有毒 攻溫瘧痰瘧及傷寒寒熱痰結氣逆狂癩
癩厥惟胸腹多滯 邪實氣壯而病瘧者宜之若老人病人俱
當忌用蓋此物性悍善逐痰飲得甘草則上行發吐得大薑
則下行發瀉也亦治鬼毒蠱毒及頭項瘰癧鼠瘦

半夏 百三十

微苦氣溫可升可降陽中陰也有毒其質滑潤其性
燥濕降痰入脾胃胆經生嚼戟喉制用生薑下肺氣開胃健
脾消痰飲痞滿止咳嗽上氣心痛脇痛除嘔吐反胃霍亂轉
筋頭眩腹脹不眠氣結痰核腫突去痰厥頭痛散風閉喉痞
治脾濕泄瀉遺精帶濁消癰疽腫毒殺蜈蚣蜂蠱虫毒性能
墮胎孕婦雖忌然胃不和而嘔吐不止加薑汁微炒但用無

妨若消渴煩熱及陰虛血證最忌勿加○李時珍曰半夏能主痰飲及腹脹者爲其體滑味辛而性溫也滑則能潤辛溫能散亦能潤故行濕而通大便利竅而泄小便所謂辛走氣能化液辛以潤之是矣丹溪曰二陳湯能使大便潤而小便長成膠攝云半夏辛而散行水而潤腎燥又局方用半夏硫石治老人虛秘皆取其滑潤也世俗皆以半夏南星爲性燥誤矣濕去則土燥痰涎不生非二物之性燥也古方治咽痛喉痺吐血下血多用二物非禁劑也二物亦能散血故破傷打撲皆主之

南星

百二二

味苦辛氣溫可升可降陽中陰也性烈有毒薑汁制用善行脾肺隊中風實痰利膈下氣攻堅積治驚癇散血墮胎水磨蘘蛇虫咬毒醋調散腫破傷風金瘡折傷瘀血宜搗傅之功同半夏酌用可也

七製九製者方佳降痰因火動如神治小兒急驚必用總之
實痰實火壅閉上焦而氣喘煩躁焦渴脹滿者所當必用較
之南星味苦性涼故善解風痰熱滯

射干 百三三

味苦性寒有毒陰也降也治欬逆上氣喉痺咽疼散結氣不
得息除胃腹邪熱脹滿清肝明目消積痰結核瘰癧熱疔降
實火利大腸消痰血通女人經閉苦酒磨塗可消腫毒

大戟 百三四

味苦大寒有毒反甘草性峻利善逐水邪痰涎瀉濕熱脹滿
消急痛破癥結下惡血攻積聚通二便殺蟲毒藥毒疥癩大疔
瘰癧黃病及頸腋癰腫然大能瀉肺損真氣非有大實堅者不
宜輕用若中其毒惟葛蒲可以解之

味苦性寒有毒反甘草專於行水能直達水結之處如水結胸者非此不除若留痰留飲宿食癥堅積聚無不能逐故善腫腹脚陰囊腫脹去面目浮腫通二便瀉膀胱濕熱及痰逆癩癩噎膈痞塞然性烈傷陰不宜妄用

芫花 百三六 反甘草

味苦微溫有毒專逐五藏之水去水飲寒痰痰癥脇下痛欬逆上氣心腹肢體脹滿瘴瘧鬼瘧濕毒寒毒蠱毒肉毒蠱魚毒除疔瘰癧腫逐惡血消咽腫根療瘡疥亦可毒魚若搗汁浸線亦能繫落疔瘡惟其多毒虛者不可輕用

玉簪 百三七

味甘辛性寒有小毒用根搗汁解一切諸毒下一切骨哽塗消癰瘍婦人乳癰初起但取根搗酒服之仍以渣傳腫處即

消然性能損齒故亦可落齒取牙

鳳仙花 百三八

味微苦性微溫有小毒子名急性子治產難下胎消積塊開
噎膈下骨哽亦善透骨通竅故又名透骨草若欲取牙但用
子研末入硃少許點疼牙根即可取之然此不生虫蠹即
蝶亦不近似非無毒者也

黃麻子 百三九

味甘辛性熱有毒能逐風散毒療口眼喎斜失音口噤腫毒
丹瘤鍼刺入肉止痛消腫追膿拔毒俱可研貼若治舌腫喉
痺宜研爛紙捲燒烟薰吸立通催生下胎可同麝香巴豆研
貼臍中李時珍曰一人病偏風手足不舉用此油同羊脂麝
香穿山甲煎膏日摩數次兼服搜風養血之藥而愈一人病
手臂一塊腫痛用此膏貼之一夜而愈一人病氣鬱偏頭

痛用此同乳香食鹽搗貼太陽一夜痛止一婦產後子腸不收搗仁貼其丹田一夜而上此藥外用屢奏奇效但內服不可輕率爾或云搗膏以筋點於鴨鴨六畜舌根下即不能食點於肛門內即下血死其毒可知凡服葶麻者一生不得食炒豆犯之必脹死

續隨子

百四十

一名千金子

味辛性溫有毒能逐瘀血消痰飲食積癥瘕除蠱毒鬼疰水氣冷氣心腹脹滿疼痛腹內諸疾利大小腸祛惡滯及婦人血結血閉瘀血等證研碎酒服不過三顆當下惡物甚者十粒若瀉多以酸漿水或薄醋粥食之即止亦可研全疥癬惡瘡此物之功長於逐水殺虫是亦甘遂大戟之流也

木鱉子 又百四十

味苦微甘微辛氣

雄劣性大寒有大毒本草言其甘溫無毒

謬也今見毒狗者能斃之於頃刻使非大毒而有如是乎人
若食之則中寒發噤不可解救按劉續霏雪錄云木鱉子有
毒不可食昔一薊門人有兩子患痞食之相繼皆死此不可
不慎也若其功用則惟以醋磨用敷腫毒乳癰痔漏腫痛及
喉痺腫痛用此醋漱於喉間引痰吐出以解熱毒不可嚥下
或同硃砂艾葉捲筒蒸疥殺蟲最效或用熬麻油擦癬亦佳
一 番木鱉 味極苦性大寒大毒功用與木鱉大同而寒烈之
性尤甚

皇朝全書
卷之四
四



本草正

會稽 張介賓 會興著

會稽 魯 超 謙菴訂

水石草部

本草下

石斛 百四

此藥有二種力皆微薄圓細而肉實者味微甘而淡其力尤
 薄本草云圓細者為上且謂其益精強陰壯筋補虛健脚膝
 感冷痺卻驚悸定心志但此物性味最薄焉能滋補如此惟
 是扁大而鬆形如釵股者頗有苦味用除脾胃之火去餽雜
 善飢及營中蘊熱其性輕清和緩有從容分解之妙故能送
 火養陰除煩清肺下氣亦止消渴熱汗而諸家謂其厚腸胃
 健陽道煖水臟豈苦涼之性味所能也不可不辨

葛蒲 百四二

味辛微苦性溫散風寒濕痺除煩悶欬逆上氣止心腹痛霍亂轉筋癩癘客忤開心氣胃氣行滯氣通九竅益心智明耳目去頭風淚下出聲音溫腸胃煖丈夫水藏婦人血海禁止小便辟邪逐鬼及中惡卒死殺虫療惡瘡瘙疥欲散癰毒宜搗汁服川流貼之若治耳痛宜作末炒熱絹裏罨之亦解巴豆大戟等毒

蒲黃 百四三

味微甘性微寒解心腹膀胱煩熱疼痛利小便善止血涼血活血消瘀血治吐血衄血痢血尿血通婦人經脉止崩中帶下月經不調妊婦胎漏墜胎血運血癥兒枕氣痛及跌撲血悶療瘡瘍消舌腫排膿消毒亦丁乳汁亦止洩精凡欲利者宜生用欲固者宜炒熟用

澤瀉 百四四

味甘淡微鹹氣微寒氣味頗厚沉而降陰也陰中微陽入足
太陽少陽其功長於滲水去濕故能行痿飲止嘔吐瀉痢通
淋瀝白濁大利小便瀉伏火收陰汗止尿血療難產疝痛脚
氣腫脹引藥下行經云除濕止渴聖藥通淋利水仙丹第其
性降而利善耗真陰久服能損目痿陽若濕熱壅閉而目不
明者此以去濕故亦能明目

海藻

百四五

友甘草

海帶

昆布性用畧同

味苦鹹性微寒陰也降也善降氣清熱消膈中痰壅故善消
頸項癭瘤結核及癰腫癥積利小便逐水氣治濕熱氣急腹
中上下雷鳴療偏墜疝氣疼痛消奔豚水氣浮腫及百邪鬼
魅熱毒

骨碎補 百四六

味微苦性溫平乃足少陰厥陰肝腎藥也能活血止血補折傷療骨中斜毒風熱疼痛及痢後下虛或遠行或房勞或外感風濕以致兩足痿弱疼痛俱宜以四斤丸補陰藥之類佐而用之或炒熟研末用猪腰夾煨空心食之能治耳鳴及腎虛久痢牙疼

竹木部

竹瀝百四七

味甘性微涼陰也降也治暴中風痰失音不語胸中煩熱止煩悶消渴丹溪曰凡風痰虛痰在胸膈使人癩狂及痰在經絡四肢皮裏膜外者非此不達不行

淡竹葉百四八

味甘淡氣平微涼陰中微陽氣味俱輕清上氣咳逆喘促消

痰涎解熱狂退虛熱煩躁不眠
熱頭痛止吐血寺涼心經
亦清脾氣卻風熱止煩渴生津液利小水解喉痺并小兒風
熱驚癇

淡竹茹

百四九

味甘微涼治肺痿唾痰唾血吐血衄血尿血胃熱嘔噎噎膈
婦人血熱崩淋胎動及小兒風熱癲癇痰氣喘欬小水熱澀

天竹黃

百五十

味甘辛性涼降也陰中有陽善開風痰降熱痰治中風失音
痰滯胸膈煩悶癩癇清心火鎮心氣醒脾疎肝明眼目安驚
悸療小兒風痰急驚客忤其性和緩最所宜用亦治金瘡并
內熱藥毒

官桂 百五一

味辛甘氣大熱陽中之陽也有小毒必取其味甘者乃可用

桂性熱善於助陽而尤入血分四肢有寒疾者非此不能達
桂枝氣輕故能走表以其善調營衛故能治傷寒發邪汗瘰
傷風止陰汗肉桂味重故能溫補命門堅筋骨通血脈治心
腹寒氣頭疼欬嗽鼻鼈霍亂轉筋腰足臍腹疼痛一切沉寒
痼冷之病且桂爲木中之王故善平肝木之陰邪而不知善
助肝胆之陽氣惟其味甘故最補脾土凡肝邪尅土而無火
者用此極妙與參附地黃同用最降虛火及治下焦元陽虧
乏之與當歸川芎同用最治婦人產後血瘀兒枕腹痛及小兒
痘疹虛寒作癢不起雖善墮胎動血用須防此二證若下焦
虛寒法當引火歸元者則此爲要藥不可誤執

丁香 百五二

味大辛氣溫純陽入腎胃肺藏能發諸香辟惡去邪溫中快
氣治上焦呃逆翻胃霍亂嘔吐解酒毒消痰癖奔豚陰寒心

腹脹滿冷痛煖下焦腰膝寒疼壯陽道抑陰邪除胃寒瀉痢
殺鬼疰蠱毒煎蝕諸蟲辟口氣堅齒牙及婦人七情五鬱小
兒吐瀉痘瘡胃寒灰白不發

白檀香

百五三

味辛氣溫能散風熱辟穢惡邪氣消腫毒逐鬼魅煎服之可
散冷氣止心腹疼痛定霍亂和胃氣開噎膈止嘔吐進飲食
又治面生黑子每晚以熱水洗拭磨汁塗之甚良

沉香

百五四

味辛氣微溫陽也可升可降其性煖故能抑陰助陽扶補相
火其氣辛故能通天徹地條達諸氣除轉筋霍亂和噤口瀉
痢調嘔逆胃翻喘急止心腹脹滿疼痛破癥瘕療寒痰和脾
胃逐鬼疰惡氣及風濕骨節麻痺皮膚瘙癢結氣

烏藥

百五五

氣味辛溫善行諸氣入脾胃肝腎三焦膀胱諸經療中惡鬼
氣蠱毒開胸膈除一切冷氣止心腹疼痛喘急霍亂反胃脹
滿溫腸胃行宿食止瀉痢除天行疫瘴氣厥頭痛膀胱腎氣
攻衝心腹疝氣脚氣癱疽疥癩及婦人血氣小兒蟲積亦止
小便頻數氣淋帶濁并猫犬百病俱可磨汁灌治之

枸杞 百五十六

味甘微辛氣溫可升可降味重而純故能補陰陰中有陽故
能補氣所以滋陰而不致陰衰助陽而能使陽旺雖諺云離
家千里勿食枸杞不過謂其助陽耳似亦未必然也此物微
助陽而無動性故用之以助熟地最妙其功則明耳目壯神
魂添精固髓健骨強筋善補勞傷尤止消渴真陰虛而臍腹
疼痛不止者多用神效

地骨皮 百五十七

枸杞根也南者苦味輕微有甘辛北者大苦性劣入藥難用者爲佳其性辛寒善入血分肝腎三焦胆經退陰虛血熱骨蒸有汗止吐血衄血解消渴療肺腎胞中陰虛伏火煎湯嗽口止齒血凡不因風寒而熱在精髓陰分者最宜此物涼而不峻可理虛勞氣輕而辛故亦清肺假熱者勿用

厚朴 百五八

味苦辛氣大溫氣味俱厚陽中之陰可升可降有小毒用此者用其溫降散滯制用薑汁炒治霍亂轉筋消痰下氣止欬嗽嘔逆吐酸殺腸臧諸虫宿食不消去結水破宿血除寒濕瀉痢能煖脾胃善走冷氣總之逐實邪瀉膨脹散結聚治胸腹疼痛之要藥倘本元虛弱誤服脫人真氣孕婦忌用墮胎須知

棗仁 百五九

味微甘氣平其色赤其肉味酸故名酸棗其仁居中故性主收斂而入心多眠者生用不眠者炒用寧心志止虛汗解渴去煩安神養血益肝補中收斂魂魄

杜仲 百六一

味甘辛淡氣溫平氣味俱薄陽中有陰其功入腎用薑汁或鹽水潤透炒去絲補中強志壯腎添精腰痛殊功足疼立效除陰囊寒濕止小便夢遺因其氣溫故煖子宮因其性固故安胎氣內熱火盛者亦當緩用

山茱萸 百六一

味酸澁主收斂氣平微溫陰中陽也入肝腎二藏能固陰補精煖腰膝壯陰氣澁帶濁節小便益髓明陽調經收血若脾氣大弱而畏酸者姑暫止之或和以甘草煨薑亦可

蘇木 百六一

味微甘微辛性溫平可升可降乃三陰經血分藥也少用則和血活血多用則行血破血主婦人月經不調心腹作痛血癖氣壅凡產後血瘀脹悶勢危者宜用五兩水煮濃汁服之亦消癰腫死血排膿止痛及打撲瘀血可敷若治破傷風宜爲末酒服立效

川椒 百六三

味辛性熱有小毒本純陽之物其性下行陽中有陰也主溫中下氣開通腠理散肌表寒邪除藏府冷痛去胸腹留飲停痰宿食解鬱結溫脾胃止欬逆嘔吐逐寒濕風痛療傷寒溫瘧水腫濕疸除齒痛煖腰膝收陰汗縮小便溫命門止泄瀉下痢遺精脫肛殺虻虫鬼疰蠱毒蛇虫諸毒久服之能通神明實腠理和血脉堅齒牙生鬚髮明目調關節耐寒暑若中其毒惟冷水麻仁漿可以解之

胡椒 百六四

味辛性大熱純陽他善走氣分溫中下氣煖腸胃消宿食辟
臭惡除寒濕寒痰寒飲吐水止反胃嘔吐霍亂虛寒脹滿心
腹疼痛去冷積陰毒壯腎氣治大腸寒滑冷痢殺一切虫魚
鱉蕈諸藥食陰凝之毒若治風虫牙痛須同葶芩為末燉蠟
為細丸塞孔中即愈

金櫻子 百六五

味澁性平生者色青酸澁熟者色黃甘澁當用其將熟微酸
而甘澁者為妙其性固澁澁可固陰治脫甘可補中益氣故
善理夢遺精滑及崩淋帶漏止吐血衄血生津液安魂魄收
虛汗歛虛火益精髓壯筋骨補五藏養血氣平欬嗽定喘急
療怔忡驚悸止嘔洩血痢及小水不禁此固陰養陰之佳品
而人之忽之亦久矣此後咸宜珍之

槐花 百六六

味苦性寒清心肺脾大腸之火除五內煩熱心腹熱瘰癧
眼目赤痛熱淚炒香嚼嚥治失音喉痺止血衄血腸風下
血婦人崩中漏下及皮膚風熱涼大腸殺疳虫治癰疽瘡毒
陰瘡濕癢痔漏解楊梅惡瘡下疳伏毒大有神效

栝子仁 百六七

味甘平性微涼能潤心肺養肝脾滋腎燥安脾魂益志意故
可定驚悸怔忡益陰氣美顏色療虛損益血止汗潤大腸利
虛秘亦去百邪鬼魅小兒驚癇總之氣味清香性多潤滑雖
滋陰養血之佳劑若欲培補根本乃非清品所長

枳殼 百六八

卽枳實之遲收而大者較之枳實其氣畧訖性亦稍緩功與
枳實大類但枳實性重多主下行削堅而此之氣輕故多主

上行破氣通利關節健脾開胃平肺氣止嘔逆反胃霍亂欬
嗽消痰消食破心腹結氣癥瘕痞開胸脇脹滿痰滯逐水
腫水濕瀉痢腸風痔漏肛門腫痛因此稍緩故可用之東胎
安胎炙熱可熨痔腫虛者少用恐傷元氣

枳實 百六十九

味苦微酸微寒氣味俱厚陰中微陽其性沉急於枳殼除脹
滿消宿食削堅積化稠痰破滯氣平欬喘逐瘀血停水解傷
寒結胸去胃中濕熱佐白朮亦可健脾佐大黃大能推蕩能
損真元虛羸勿用

蔓荊子 百七十

味苦辛氣清性溫升也陽也入足太陽陽明厥陰經主散風
邪利七竅通關節去諸風頭痛腦鳴頭沉尸疔搜肝風止目
睛內痛淚出明目堅齒療筋骨間寒熱濕痺拘攣亦去寸白

虫

五加皮 百七一

味辛性溫除風濕行血脈壯筋骨明目下氣治骨節四肢拘攣兩脚痺痛風弱五緩陰痿囊濕疝氣腹痛小便遺瀝女人陰癢凡諸浸酒藥惟五加皮與酒相合大能益人且味美也
山家重此謂久服可以長生故曰寧得一把五加不用金銀車雖未必然然亦必有可貴者

川楝子 百七十二

味苦性寒有小毒陰也能治

瘟疫煩熱狂躁利小水瀉

肝火小腸膀胱濕熱諸疝氣疼痛殺三蟲疥癩亦消陰痔丸散湯藥任意可用甄權言其不入湯使則失之矣

苦棟根 味大苦殺諸蟲尤善逐虻利人腸治遊風熱毒惡瘡苦酒和塗疥癬甚良

女貞子 百七三

味苦性涼陰也降也能養陰氣平陰火解煩熱骨蒸止虛汗
消渴及淋濁崩漏便血尿血陰瘡痔漏疼痛亦清肝火可以
明目止淚

桑白皮 百七四

味甘微辛微苦氣寒氣味俱薄升中有降陽中有陰入手太
陰肺藏氣寒味辛故瀉肺火以其味甘故緩而不峻止喘嗽
唾血亦解渴消痰除虛勞客熱頭痛水出高原故清肺亦能
利水去寸白殺腹藏諸虫研汁治小兒天疳驚癇客忤及傳
鵝口瘡大效作線可縫金瘡既瀉肺實又云補氣則未必然

黃蘗 百七五

味苦微辛氣寒陰中微陽降也善降三焦之火制各以類但
其性多沉尤專肝腎故曰足少陰木經足太

也清胃火嘔噦虺虫除伏火骨蒸煩熱去腸風熱
二便邪火結淋上可解熱瀉口瘡喉痺癰瘍下可去
熱疼痛痿蹙此其性寒潤降去火最速丹溪言其制
補腎強陰然龍火豈沉寒可除水枯豈苦劣可補陰
虛水竭得降愈亾撲滅元陽莫此爲甚水未枯而火盛者用以抽薪
則可水旣竭而枯熱者用以補陰實難當局者慎勿認爲補
劑○予嘗聞之丹溪口火有二君火者人火也心火也可以
濕伏可以水滅可以直折黃連之屬可以制之相火者天火
也龍雷之火也陰火也不可以水濕折之當從其性而伏之
惟黃柏之屬可以降之按此議論若有高見而實矯強之甚
大是誤人夫所謂從其性者卽內經從治之說也經曰正者
正治從者反治正治者謂以水制火以寒治熱也從治者謂
以火濟火以熱治熱也亦所謂甘溫除大熱也豈以黃連便

是正治黃栢便是從治乎卽曰黃連主心火黃栢主腎火然
以便血溺血者俱宜黃連又豈非膀胱大腸下部藥乎治舌
瘡口瘡者俱宜黃栢又豈非心脾上部藥乎總之黃連黃栢
均以大苦大寒之性而曰黃連爲水黃栢非水黃連爲瀉黃
栢爲補豈理也哉若執此說誤人多矣誤人多矣

梔子百七六

味苦氣寒味厚氣薄氣浮味降陰中有陽因其氣浮故能清
心肺之火解消渴除熱鬱療時疾躁煩心中懊懣熱悶不得
眠熱厥頭疼耳目風熱赤腫疼痛霍亂轉筋因其味降故能
瀉肝腎膀胱之火通五淋治大小腸熱秘熱結五種黃疽三
焦鬱火臍下熱鬱疝氣吐血衄血血痢血淋小腹損傷瘀血
若用佐使治有不同加茵陳除濕熱疽黃加豆豉除心火煩
躁加厚朴枳實可除煩滿加生薑陳皮可除嘔噦同玄胡索

破熱滯瘀血腹痛此外如面赤酒皸熱毒湯火瘡瘍腫痛皆
所宜用仲景因其氣浮而苦極易動吐故用爲吐藥以去上
焦痰滯丹溪謂其解鬱熱行結氣其性屈曲下行大能降火
從小便泄去人所不知

郁李仁百七七

味苦辛陰中有陽性潤而降故能下氣消食利水道消面目
四肢大腹水氣浮腫開腸中結氣滯氣關隔燥澁大便不通
破血積食癖凡婦人小兒實熱結燥者皆可用

訶子百七八

味苦酸澁氣溫苦重酸輕性沉而降陰也能消宿食膨脹止
嘔吐霍亂定喘止嗽破結氣安久痢止腸風便血降痰下氣
開滯澁腸通達津液療女人崩中胎漏帶濁經亂不常若久
痢肛門急痛或產婦陰痛者宜和蠟燒烟薰之或煎湯薰洗

亦可若痰嗽咽喉不利宜含數枚嚙津殊效其有上焦元氣
虛陷者當避其苦降之性

側柏百七九

味苦氣辛性寒善清血涼血止吐血衄血痢血尿血崩中赤
白去濕熱濕痺骨節疼痛搗爛可傳火丹散疥癩腫痛熱毒
及湯火傷止痛滅癩炙搗可管凍瘡燒汁塗髮可潤而使黑
辛夷百八十 一名木筆 一名迎春

氣味辛溫乃手太陰足陽明之藥能解寒熱憎寒體
熱利九竅除頭風腦痛眩暈鼻癢癢癢面腫引齒疼痛若治鼻
塞涕出鼻淵鼻鼽鼻瘡及痘後鼻瘡並宜為末入麝
以葱白蘸藥點入數次甚良

皂角百八一

氣味辛鹹性溫有小毒善逐風痰利九竅通關節

諸虫精物消穀導痰除欬嗽心腹氣結疼痛脹滿關中風口
噤治咽喉痺塞腫痛行滯滯通大腸秘結墮胎破堅癥消腫
毒及風癰疥癩燒烟薰脫肛腫痛可爲丸散不入湯藥

巴豆百八二

味辛性執有大毒可升可降善開關竅破癥堅積聚逐痰飲
殺諸惡毒虫毒蠱毒通秘結消宿食攻藏府停寒生冷壅滯
心腹疼痛瀉痢驚癇諸水氣疰氣下活胎死胎逐瘀血血積
及消癰瘍疔毒惡瘡去瘰肉惡肉腐肉排膿消腫喉痺牙疼
諸證然其性剛氣烈無處不到故稱爲斬關奪門之將若誤
用之則有推牆倒壁之虞若善用之則有戡亂調中之妙用
者所當慎察

密蒙花百八三

味甘平性微寒入肝經潤肝燥專理目疾療青盲去赤腫多

淚消目中赤脉膚翳羞明畏日及小兒瘡痘疔氣攻目風熱
麋爛雲翳遮睛制用之法宜蜜酒拌蒸三次日乾用

雷丸百八四

味苦性寒有小毒殺三虫逐蠱毒諸毒降胃中實熱痰火癩
狂除百邪惡氣并一應血積氣聚

大楓子百八五

味辛性熱有毒能治風癰疥癩攻毒殺虫亦療楊梅諸瘡

蕪荑百八六

味辛平性溫主心腹冷氣癥積疼痛散肌膚風濕淫瀝如虫
行殺三虫去寸白及諸惡虫毒療腸風痔漏惡瘡和猪膽搗
塗熱瘡和蜜可治濕癬

茯苓百八七

味甘淡氣平性降而滲陽中陰也有赤白之分雖本草言赤

瀉丙丁白八壬癸然總不失爲泄物故能利竅去濕利竅則
開心益智導濁生津去濕則逐水燥脾補中健胃祛驚瀰厚
腸藏治痰之本助藥之降以其味有微甘故曰補陽但補少
利多故多服最能損目久弱極不相宜若以人乳拌晒乳粉
既多補陰亦妙

扶神百八八

附根而生近故能入心經通心氣補健忘止恍惚驚悸雖本
草所言如此然總不外於滲降之物與茯苓無甚相遠也

猪苓百八九

味微苦甘氣平陽中陰也性善降滲入膀胱腎經通淋消水
腫除濕利小便因其苦故能泄滯因其淡故能利竅亦解傷
寒濕熱腳氣白濁亦治妊娠子淋胎腫

桑寄生百九十

味苦性涼主女子血熱崩中胎漏固血安胎及產後血熱諸疾去風熱濕痺腰膝疼痛長鬚眉堅髮齒涼小兒熱毒癰疽

琥珀百九一

味甘淡性平安五藏清心肺定魂魄鎮癩癩殺邪鬼精魅消瘀血痰涎解蠱毒破癥結通五淋利小便明目磨翳止血生肌亦合金瘡傷損

松香百九二

味苦辛溫治癰疽惡瘡頭瘍白瘡風濕疥癬酒煮糊丸可治歷節風痛亦治婦人崩帶煎骨則活血生肌排膿止痛塞牙孔殺虫傳刺入肉中自出加銅末研摻大治金瘡折傷

乳香百九三

味苦辛性溫微熱辟邪惡諸氣治霍亂通血脈止大腸血痢

疼痛及婦人氣逆血滯心腹作痛消癰疽諸毒托裏護心瀉
血定痛舒筋脈療折傷煎膏止痛長肉

沒藥百九四

味苦氣平能破血散血消腫止痛療金瘡杖瘡諸惡瘡痔漏
癰腫破宿血癥瘕及墮胎產後血氣作痛凡治金刃跌墜損
傷筋骨心腹血瘀作痛者並宜研爛熱酒調服則推陳致新
無不可愈

阿魏百九五

味苦辛性熱有毒其氣辛臭乃能辟奪臭氣逐瘟疫瘴癘傳
尸鬼氣惡氣療霍亂隔噎類疝心腹疼痛殺諸小虫牙蟲破
癥積消癥塊除蠱毒及一切葷菜牛羊魚肉諸毒或散或丸
隨意可服

樟腦百九六

味辛微苦性熱善通關竅破滯氣辟中惡邪氣治疥癬殺虫
除蠹著鞵中去脚氣燒烟薰衣筐席簟除蚤虱壁虱北方新
生小猫極多跳蚤用此拌麪研勻摻擦之則盡落無遺亦妙
方也

龍腦百九七

即冰片

味微甘大辛敷用者其涼如水而氣雄力銳性本非熱陽中
有陰也善散氣散血散火散滯通竅辟惡逐心腹邪氣療喉
痺腦痛鼻癭齒痛傷寒舌出小兒風痰邪熱急驚痘疔黑陷
凡氣壅不能開達者咸宜佐使用之亦通耳竅散目熱去目
中赤膚翳障逐三虫消五痔療一切惡瘡聚毒下疳痔漏疼
痛亦治婦人氣逆難產研末少許新汲水服之則下以熱酒
服之則能殺人凡用此者宜少而暫多則走散真氣大能損
人

血竭百九十八

味甘鹹微瀋性平善破積血止痛生肌療金瘡折傷打損血
痰疼痛內傷血逆婦人血氣凝滯亦能生血補虛俱可爲末
酒服并治一切惡瘡癬疥久不合口然性能引膿不宜多用
盧醫百九九

味大苦性大寒氣味俱厚能升能降除風熱煩悶清肺胃醇
火涼血清肝明目治小兒風熱急驚癩癩五疔熱毒殺三虫
及痔漏熱瘡單用殺疔虻吹鼻治腦疔鼻熱鼻癢鼻痔研末
傅虫牙同甘草敷濕癬殺虫出黃水極妙

乾漆二百

味辛性溫有毒能療絕傷續筋骨殺三虫去虻蟲削年深堅
結之積滯破日久凝聚之瘀血用須炒熟入藥不爾損人腸
胃若外著其毒而生漆瘡者惟杉木湯紫蘇湯蟹湯浴之可

解或用香油調鐵銹塗之

蘇合油二百一

味甘辛性溫能辟邪惡諸氣殺鬼魅蠱毒虫毒療癩癰溫瘡
止氣送疼痛亦通神明可除夢魘

孩兒茶二百二

味苦微瀉性涼能降火生津清痰涎欬嗽治口瘡喉痺煩熱
止消渴吐血衄血便血尿血濕熱痢血及婦人崩淋經血不
止小兒疳熱口疳熱瘡濕爛諸瘡斂肌長肉亦殺諸蟲

穀部

麥芽二百三

味甘微鹹氣溫善於化食和中破冷氣消一切米麩諸果食
積去心腹脹滿止霍亂除煩熱消痰飲破癥結寬腸下氣病

久不食者可借此谷氣以開胃元氣中虛者毋多用此以治
腎亦善催生落胎單服二兩能消乳腫其耗散血氣如此而
脾胃虛弱飲食不消方中每多用之何也故婦有胎妊者不
宜多服

神麴二百四

味甘氣平炒黃入藥善助中焦土臟健脾煖胃消食下氣化
滯調中逐痰積破癥瘕運化水穀除霍亂脹滿嘔吐其氣腐
故能除濕熱其性澁故又止瀉痢療女人胎動因滯治小兒
腹堅因積若婦人產後欲回乳者炒研酒服二錢日二卽止
甚驗若閃挫腰痛者淬酒溫服最良

白扁豆二百五

味甘氣溫炒香用之補脾胃氣虛和嘔吐霍亂解河豚酒毒
止瀉痢溫中亦能清暑治消渴欲用輕清緩補者此爲最當

景岳全書
卷之四十九
主
薏仁二百六

味甘淡氣微涼性微降而滲故能去濕利水以其去濕故能利關節除腳氣治痿弱拘攣濕痺消水腫疼痛利小便熱淋亦殺虵虫以其微降故亦治欬嗽唾膿利膈開胃以其性涼故能清熱止煩渴上氣但其功力甚緩用爲佐使宜倍

綠豆二百七

味甘性涼能清火清痰下氣解煩熱止消渴安精神補五藏陰氣去胃火吐逆及吐血衄血尿血便血濕熱瀉痢腫脹利小便療丹毒風疹皮膚燥澁大便秘結消癰腫痘毒湯火傷痛解酒毒鴆毒諸藥食牛馬金石毒尤解砒霜大毒或用囊作枕大能明耳目并治頭風頭痛

粟殼二百八

味微甘性多澁泡去筋膜醋拌炒用甚固大腸久痢滑瀉必

用須加甘補同煎久虛咳嗽劫藥欲用須辨虛實脫肛遺精俱所當用濕熱下痢乃非所宜

麻仁二百九

即黃麻也亦名大麻

味甘平性滑利能潤心肺滋五藏利大腸風熱結燥行水氣通小便濕熱秘澀五淋去積血下氣除風濕頑痺關節血燥拘攣止消渴通乳汁產難催生經脉阻滯凡病多燥澀者宜之若下元不固及便溏陽痿精滑多帶者皆所忌用

果部

芡實二百十

味甘氣平入脾腎兩臟能健脾養陰止渴治腰膝疼痛強志益神聰明耳目補腎固精治小便不禁遺精白濁帶下延年耐老或散丸或煮食皆妙但其性緩難收奇效

味苦辛微甘味厚於氣降中有升有毒入肺胃大腸經其味辛故能入肺潤肺散風寒止頭痛退寒熱欬嗽上氣喘急發表解邪療溫病脚氣其味苦降性最疾觀其澄水極速可知故能起氣逆上衝消胸腹急滿脹痛解喉痺消痰下氣除驚癩煩熱通大腸氣閉乾結亦殺狗毒佐半夏生薑散風邪欬嗽佐麻黃發汗逐傷寒表邪同門冬乳酥煎膏潤肺治欬嗽極妙同輕粉研勻油調敷廣瘡腫毒最佳尤殺諸虫牙虫及頭面黧斑瘡炮元氣虛陷者勿用恐其沉降太泄

桃仁

味苦辛微甘氣平陰中有陽入手足厥陰經去皮尖用善治瘀血血閉血結血燥通血隔破血癥殺三虫潤大便逐鬱滯止鬼疰血逆疼痛膨脹療跌撲損傷若血枯經閉者不可妄

木瓜二一三

味酸氣溫用此者用其酸欽酸能走筋欽能固脫入脾肺肝
腎四經亦善和胃得本味之正故尤專入肝益筋走血療腰
膝無力脚氣引經所不可缺氣滯能和氣脫能固以能平胃
故除嘔逆霍亂轉筋降痰去濕行水以其酸收故可欽肺禁
痢止煩滿止渴

陳皮二一四

味苦辛性溫散氣實痰滯必用留白者微甘而性緩去白者
用辛而性速瀉脾胃痰濁肺中滯氣消食開胃利水通便吞
酸暖腐反胃餽雜飪逆脹滿堪除嘔吐惡心皆效通達上下
解酒除虫表裏俱宜癰疽亦用尤消婦人乳癰并解魚肉諸

毒

味苦辛微酸味厚沉也陰中之陽苦能去滯酸能入肝又入少陽三焦膽府削堅癖除脇痛解鬱怒劫疝踈肝破滯氣寬胸消食老弱虛羸戒之勿用

檳榔二十六

味辛澁微苦微甘氣微溫味厚氣薄降中有升陰中陽也能消宿食解酒毒除痰癖宣壅滯溫中快氣治腹脹積聚心腹疼痛喘急通關節利九竅逐五膈奔豚膀胱諸氣殺三蟲除脚氣療諸瘧瘴癘濕邪本草言其治後重如馬奔此亦因其性溫行滯而然若氣虛下陷者乃非所宜又言其破氣極速較枳壳青皮尤甚若然則廣南之人朝夕笑噬而無傷又豈破氣極速者總之此物性溫而辛故能醒脾利氣味甘兼澁故能固脾壯氣是誠行中有留之劑觀鶴林玉露云飢能使

之飽飽能使之飢醉能使之醒醒能使之醉於此四句詳之
可得其性矣○其服食之法小者氣烈俱以入藥廣中人惟
用其大而扁者以米泔水浸而待用每一枚切四片每服一
片外用細石灰以水調如稀糊亦預制待用時以萹葉一
片抹石灰一二分入檳榔一片裝而嚼服蓋檳榔得石灰則
滑而不澀石灰萹葉得檳榔則甘而不辣服後必身面俱煖
微汗微醉而胸腹豁然善解吞酸消宿食辟嵐瘴化痰醒酒
下氣健脾開胃潤腸殺蟲消脹固大便止瀉痢○又服法如
無萹葉卽以肉桂或大茴香或陳皮俱可代用少抹石灰夾
而食之然此三味之功多在石灰萹葉以其能燥脾溫胃也
然必得檳榔爲助其功始見此物理相成之妙若有不可意
測者○一大約此物與烟性畧同但烟性峻勇用以散表逐
寒則烟勝於此檳榔稍緩用以和中煖胃則此勝於烟二者

皆壯氣辟邪之要藥故滇廣中人一日不可少也○又習俗
之異在廣西用老檳榔滇中人用清嫩檳榔廣東人多在連
殼醃檳榔亦各得其宜耳

烏梅二一七

味酸澁性溫平下氣除煩熱止消渴吐逆反胃霍亂治虛勞
骨蒸解酒毒欬肺癰肺痿欬喘急消癰疽瘡毒喉痺乳蛾
澁腸止冷熱瀉痢便血尿血崩淋帶濁遺精夢泄殺虫伏虻
解虫魚馬汗硫黃毒和紫蘇煎湯解傷寒時氣瘴瘧大能作
汗取肉燒存性研末傅金瘡惡瘡去腐肉胥肉死肌一夜立
盡亦奇方也

山查二一八

味甘微酸氣平其性善於消滯用此者用其氣輕故不甚耗
真氣善消宿食痰飲吞酸去瘀血疼痛行結滯毆膨脹潤腸

胃去積滯亦祛癩疔仍可健脾小兒最宜亦發瘡疾婦人產後兒枕痛惡露不盡者煎汁入沙糖服之立效者以洗漆瘡亦佳腸滑者少用之

甜瓜蒂二一九 一名苦丁香

味苦性寒有毒陰中有陽能升能降其升則吐善涌濕熱頑痰積飲去風熱頭痛癩癩喉痺頭目眩暈胸膈脹滿并諸惡毒在上焦者皆可除之其降則瀉善逐水濕痰飲消浮腫水膨殺蠱毒虫毒凡積聚在下焦者皆能下之蓋其性峻而急不從上出即從下出也若治鼻中瘰肉不聞香臭當同麝香細辛爲末以綿裹塞鼻中日一換之當漸消縮

大腹皮二百二十

味微辛性微溫主冷熱邪氣下一切逆氣滯氣攻衝心腹大腸消痰氣吞酸痞滿止霍亂逐水氣浮腫脚氣瘡癩及婦人

胎氣惡阻脹悶並宜加薑藟同煎凡用時必須酒洗炒過恐其有鳩鳥毒也

吳茱萸二二二

味辛苦氣味俱厚升少降多有小毒能助陽健脾治胸膈停寒脹滿痞塞化滯消食除吞酸嘔逆霍亂心腹畜冷中惡絞痛寒痰逆氣殺諸虫鬼魅邪疰及下焦肝腎膀胱寒疝陰毒疼痛止痛瀉血痢厚腸胃去濕氣腸風痔漏脚氣水腫然其性苦善降若氣陷而元氣虛者當以甘補諸藥制而用之

菜部

山藥二二二

味微甘而淡性微澁所以能健脾補虛澁精固腎治諸虛百損療五勞七傷第其氣輕性緩非堪專任故補脾肺必主參

木補腎水必君柴地澁帶濁須破故同研罇遺泄仗兔絲相
濟諸凡固本丸藥亦宜搗末爲糊總之性味柔弱但可用爲
佐使

乾薑二二三

味辛微苦性溫熱生者能散寒發汗熟者能溫中調脾善通
神明去穢惡通四肢關竅開五藏六府消痰下氣除轉筋霍
亂逐風濕冷痺陰寒諸毒寒痞脹滿腰腹疼痛撲損瘀血夜
多小便孫真人曰嘔家聖藥是生薑故凡脾寒嘔吐宜兼溫
散者當以生薑煨熟用之若下元虛冷而爲腹疼瀉痢專宜
溫補者當以乾薑炒黃用之若產後虛熱虛火盛而唾血痢
血者炒焦用之若炒至黑炭已失薑性矣其亦有用以止血
者用其黑澁之性已耳若陰盛隔陽火不歸元及陽虛不能
攝血而爲吐血衄血下血者但宜炒熟留性用之最爲止血

之要藥若陰虛內熱多汗者皆忌用薑

大茴香二二四

味辛氣溫入心腎二藏氣味香甜能升能降最煖命門故善逐膀胱寒滯疝氣腰疼亦能溫胃止吐調中止痛除霍亂反胃齒牙口疾下氣解毒兼理寒濕脚氣調和諸饌逐臭生香

小茴香二二五

氣味畧輕治亦同前但大茴性更煖而比則稍溫耳

白芥子二二六

味大辛氣溫善開滯消痰療欬嗽喘急反胃嘔吐風毒流注四肢疼痛尤能祛辟冷氣解肌發汗消痰癰瘡痞除脹滿極速因其味厚氣輕故開導雖速而不甚耗氣既能除脇肋皮膚之痰則他近處者不言可知善調五藏亦熨散惡氣若腫毒乳癰痰核初起研末用醋或水調傅甚效

蘿蔔子 二二七

味大辛氣溫氣味俱厚降也善於破氣消痰定喘除脹利大小便有推牆倒壁之功研水攪薄飲之立吐風痰盡出胃有氣食停滯致成鼓脹者非此不除同醋研敷大消腫毒中氣不足切忌妄用

葱 二二八

味辛性溫善散風寒邪氣通關節開腠理主傷寒熱天行時疾頭痛筋骨酸疼行滯氣除霍亂轉筋奔豚腳氣陰邪寒毒陽氣脫陷心腹疼痛及虫積氣積飲食毒百藥毒利大小便下痢下血小兒盤腸內釣婦人溺血通乳汁散乳癰消癰疽腫毒痔瘡傷寒結胸及金瘡折傷血瘀血出疼痛不止塗獬犬傷亦制蚯蚓毒

蒜 二二九

味辛性溫有小毒善理中溫胃行滯氣辟肥膩開胃進食消
寒氣寒痰麩積食積魚肉諸積邪痺膨脹宿滯不安殺溪毒
水毒蠱毒蛇蟲毒擣爛可灸癰疽塗疔腫傳蛇虫沙風毒甚
良

韭菜二百三十

味辛甘微瀋性溫善溫中安五藏和胃氣健脾氣除濁氣開
胃進食祛心腹痼冷瘰癧隔噎滯氣止消渴瀉痢膿血腹中
冷痛壯腎氣煖腰膝療洩精帶濁俱宜常煮食之大能益人
若欲消胃脘瘀血作痛及中風痰盛失音上氣喘急或中飲
食藥毒或暴見吐血衄血尿血打撲瘀血婦人經滯血逆上
衝心腹或被狂犬蛇虫惡毒勢在危急者俱宜搗生韭汁服
之或從吐出或從內消皆得愈也或用煎湯薰產婦血暈亦
可洗腸痔脫肛

味辛性溫陰中陽也宜炒黃用之主夢洩遺精尿血爰腰膝壯陽道治鬼交補肝腎命門止小便頻數遺尿及婦人白淫白帶陰寒小腹疼痛

百合二二三二

味微甘淡氣平功緩以其甘緩故能補益氣血潤肺除嗽定魄安心逐驚止悸緩時疫咳逆解乳癰喉痹兼治癰疽亦解蠱毒潤大小便消氣逆浮腫仲景用之以治百合證者蓋欲藉其平緩不峻以收失散之緩功耳虛勞之嗽用之頗宜

蒲公英 二二三三 卽黃花地丁

味微苦氣平獨莖一花者是莖有極者非入陽明太陰少陽厥陰經同忍冬煎汁少加酒服潰堅消腫散結核療癰最佳破滯氣解食毒出毒刺俱妙若婦人乳癰肘水酒煮飲以用

封之立消

金石部

金箔 一三四

味辛平性寒生者有毒氣沉質重降也陰也能鎮心神降邪
 火墜痰涎療風熱上塞吐血衄血神魂飛蕩狂邪躁擾及小
 兒驚風癲癩痰滯心竅上氣欬喘安魂魄定心志凡邪盛於
 上宜降宜清者皆所當用右陽虛氣陷滑洩清寒者俱當避
 之

水銀 一三五

性辛寒有大毒能利水道去熱毒同黑鉛結砂則鎮墜痰涎
 同硫黃結砂則療劫危疾極善墮胎殺諸虫及疥癬癩瘡凡
 有虫者皆宜之亦善走經絡透骨髓逐楊梅瘋毒其他內證

不宜輕用頭瘡亦不可用恐入經絡必緩筋骨百藥不治也
李時珍曰水銀乃至陰之精稟沉著之性得凡火煅煉則飛
騰靈變得人氣薰蒸則入骨鑽筋絕陽蝕腦陰毒之物無似
之者而大明言其無毒本經言其久服神仙甄權言其還丹
元母抱朴子以爲長生之藥六朝以下貪生者服食致成廢
篤而喪厥軀不知若干人矣方士固不足道本草真可妄言
哉水銀但不可服食爾而其治病之功不可掩也

輕粉二
三六

味微辛性溫燥有大毒升也陽也治痰涎積聚消水腫鼓脹
直達病所尤治癩癧諸毒瘡去腐肉生新肉殺瘡癬疥虫及
鼻上酒齙風瘡癢癢然輕粉乃水銀加鹽礬升鍊而成其以
金火之性燥烈流走直達骨髓故善損齒牙雖善劫痰涎水
濕瘡毒涎從齒縫而出邪得劫而暫開病亦隨愈然用不得

法則金毒竄入經絡留而不出而傷筋敗骨以致筋攣骨痛
癰瘡疔漏遂成廢痼其害無窮嘗見丹家升鍊者若稍失固
濟則雖以鐵石為鼎亦必爆裂而矧以人之藏府血氣乎陳
文中曰輕粉下痰而損心氣小兒不可輕用傷脾敗陽必變
他證初生者尤宜慎之

銅青二 三七 卽銅綠

此銅之精華惟醋制者良礪制者毒也味酸澁性收斂善治
風眼爛弦流淚合金瘡止血明目去膚赤瘰肉治惡瘡口鼻
疔瘡若治走馬牙疳宜同滑石杏仁等分為末擦之立愈

硃砂二 三八

味微甘性寒有大毒通稟五行之氣其色屬火也其液屬水
也其體屬土也其氣屬木也其入屬金也故能通五藏其入
心可以安神而走血脈入肺可以降氣而走皮毛入脾可逐

痰涎而走肌肉入肝可行血滯而走筋膜腎可逐水邪而走骨髓或上或下無處不到故可以鎮心逐痰祛邪降火治驚癇殺虫毒祛蠱毒鬼魅中惡及瘡瘍疥癬之屬但其體重性急善走善降變化莫測用治有餘乃其所長用補不足及長生久視之說則皆謬妄不可信也若同參芪歸朮兼朱砂以治小兒亦可取效此必其虛中挾實者乃宜之否則不可槩用

銀朱二 三九

乃水銀同硫黃升煉而成味辛溫有毒破積滯劫痰涎善療瘡癰惡瘡殺虫毒蚤風惟燒烟薰之或以棗肉拌烟擦之其

功尤捷

靈砂二百四十

味甘性溫主五藏百病養神志安魂魄通血脈明耳目調和五臟主上盛下虛痰涎壅盛頭旋吐逆霍亂及胃心腹冷痛

升降陰陽既濟水火久服通神明殺精魅惡鬼小兒驚吐其
 效如神研末糯米糊為丸棗湯服最為鎮墜神丹也或以陰
 陽水送下尤妙○按胡演丹藥秘訣云升靈砂法用新鍋安
 逍遙爐上以蜜措鍋底文火下燒入硫黃二兩溶化投水銀
 半斤以鐵匙急攪作青砂頭如有焰起噴醋解之待汞不見
 星取出細研盛入小火鼎內鹽泥固濟下以自然火升之乾
 水十二盞為度取出如束鍼紋者成矣

硫黃二四

味苦微酸性熱有毒療心腹冷積冷痛霍亂欬逆上氣及冷
 風頑痺寒熱腰腎久冷脚膝疼痛虛寒久痢滑洩壯陽道補
 命門不足陽氣暴絕婦人血結小兒慢驚尤善殺蟲除疥癬
 惡瘡老人風秘用宜鍊服亦治陰證傷寒厥逆煩躁腹痛厥
 伏將危者以硫黃為末艾湯調服二三錢即可得醒出百

雄黃 二四三

味苦甘辛性温有毒消痰涎治癩癧風瘡瘡
疾寒熱伏暑癩
痢酒癖頭風眩暈化瘀血殺精物鬼疰蠱毒
邪氣中惡腹痛
及蛇虺百虫獸毒疥癩疔虫蟲瘡去鼻中瘖
肉癰疽腐肉并
鼠瘻廣瘡疽痔等毒欲逐毒蛇無如燒烟薰
之其畏通九速

自然銅 二四三

味辛平性凉能療折傷散瘀血續筋骨排膿
止疼痛亦鎮心
神安驚悸宜研細水飛用或以酒磨服然性
多燥烈雖其接
胃之功不可堪而絕無滋補之益故用不可
多亦不可專任
也

黃丹 二四四

味辛微鹹微澁性重而收大能燥濕故能鎮
心安神墜痰降
火治霍亂吐逆欬嗽吐血鎮驚癩癧狂客忤
除熱下氣止瘡

止痢禁小便解熱毒殺諸虫毒治金瘡火瘡
濕爛諸瘡血溢
止痛生肌長肉收陰汗解狐臭亦去翳障明目

白礬 二四五

味酸澁性涼有小毒所用有四其味酸苦可以涌泄故能吐
下痰涎治癩癰黃疽其性收澁可固脫滑故能治崩淋帶下
腸風下血脫肛陰挺欵金瘡止血燒枯用之能止牙縫出血
辟狐腋氣收陰汗脚汗其性燥可治濕邪故能止瀉痢欵浮
腫湯洗爛弦風眼其性毒大能解毒定痛故可療癰疽疔腫
鼻蠶息肉喉痺癩癰惡瘡疥癬去腐肉生新肉及虎犬蛇虫
蠱毒或丸或散或生或枯皆有奇效

石脂 二四六

味甘澁性溫平脂有五色而今之入藥者惟赤白二種乃手
足陽明足厥陰少陰藥也其味甘而溫故能益氣調中其性

瀉重故能收濕固下調中則可療虛煩驚悸止吐血衄血
壯筋骨厚腸胃除水濕黃疸癰腫瘡毒排膿長肉止血生肌
之類是也固下則可治夢泄遺精腸風瀉痢血崩帶濁固大
腸收脫肛痔漏陰瘡之類是也又治產難胞衣不出東垣曰
胞衣不出惟澁劑可以下之卽此是也然脂有五種雖在木
經言各隨五色補五藏又云白入氣分赤入血分第五脂之
性味畧同似亦不必強分者且其性粘如膏故用固爐鼎甚
良

爐甘石 二四七

味甘澁性溫能止血消腫毒生肌斂瘡口去目中翳膜赤腫
收濕爛同龍腦點治目中一切諸病宜用片子爐甘其色瑩
白經火煨而鬆膩味澁者爲上制宜炭火煨紅童便淬七次
研粉水飛過晒用若煨後堅硬不鬆不膩者不堪也

蓬砂 一四八

卷之四九

天

味鹹微甘陰也降也消痰涎止欬嗽解喉痺生津液除上焦濕熱噎膈癥瘕瘀血退眼目腫痛翳障口齒諸病骨哽惡瘡或為散丸或噙化燕津俱可

水粉 二四九

即官粉亦名胡粉

味辛性寒有毒善殺虫墮胎治癰疽瘡毒濕爛諸瘡下疳瘻潰不收亦治疥癬狐臭黑鬚髮雖亦能墜痰消食然惟外證所宜而內傷諸病似亦不宜用之

密陀僧 二百五十一

味鹹平有小毒能鎮心神消痰涎治驚癇欬嘔逆反胃瘧疾下痢止血殺虫消積聚治諸瘡腫毒鼻齕面黥汗斑金瘡五痔辟狐臭收陰汗脚氣

百膏 二五一

味甘辛氣大寒氣味俱薄體重能沉氣輕能升陰中有陽欲其緩者服用欲其速者生用用此者用其寒散滯肅善祛肺胃三焦之火而尤爲陽明經之要藥辛能出汗解肌最逐溫暑熱證而除頭痛甘能緩脾清氣極能生津止渴而卻熱煩邪火盛者不食胃火盛者多食皆其所長陽明實熱牙疼太陰火盛痰喘及陽狂熱結熱毒發斑發黃火載血上大吐大嘔大便秘等證皆當速用胃虛弱者忌服陰虛熱者禁嘗若誤用之則敗陽作瀉必反害人

滑石 一一五一

味微甘氣寒性沉滑降中有升入膀胱大腸經能清三焦表裏之火利六府之滯結分水道逐凝血通九竅行津液止煩渴除積滯實大腸治瀉痢淋秘白濁療黃疸水腫脚氣吐血衄血金瘡出血諸濕爛瘡腫痛通乳亦佳墮胎亦捷

青礞石 一五三

味微甘微鹹其性下行降也陰也乃肝脾之藥此藥重墜制以硝石其性更利故能消宿食癥積頑痰治驚癇嗽喘急寶鑑言礞石為治痰利驚之聖藥若吐痰在水上以石末摻之痰即隨水而下則其沉墜之性可知楊士瀛謂其功能利痰然性非胃家所好而王隱君謂痰為百病母不論虛實寒熱槩用滾痰丸通治百病豈理也哉是以實痰堅積乃其所宜然久病痰多者必因脾虛人但知滾痰丸可以治痰而不知虛痰服此則百無一生矣

朴硝 一五四

味苦鹹辛氣寒陰也降也有毒其性峻速鹹能與堅滯逐陳積化金石藥毒去六腑壅滯脹急大小便不通破瘀血堅癥實痰却濕熱疫痢傷寒脹閉熱狂消癰腫排膿凡屬各經實

熱蒸可瀉除孕婦忌用最易墮胎虛損誤吞傷生反掌

立明粉 二五五

味辛微甘性冷沉也陰也降心火祛胃熱消痰涎平傷寒實熱狂躁去胸膈藏腑宿滯癥瘕通大便秘結陰火疼痛亦消癰疽腫毒

海石 一五六

味鹹性微寒陽中陰也善降火下氣消食消熱痰化老痰除癭瘤結核解熱渴熱淋止痰嗽喘急消積塊軟堅癥利木濕疝氣亦消瘡腫

花蕊石 二五七

此藥色如硫黃黃石中間有淡白點故名也李時珍曰此藥舊無氣味今嘗試其氣平其味澁而酸蓋厥陰經血分藥也其功專於止血能使血化為水酸以收之也若治金瘡出血

則不必制 但刮末傅之則合仍不作膿及治一切損傷失血
又療婦人 惡血血暈下死胎落胞衣去惡血血去而胎胞自
落也凡入 丸散須用罐固濟火煨過研細水飛用之

代赭石 二五八

味微甘性 涼而降血分藥也能下氣降痰清火除胸腹邪毒
殺鬼物精 氣止反胃吐血衄血血痺血痢血中邪熱大人小
兒驚癇狂 熱入藏腸風痔漏脫精遺尿及婦人赤白帶下難
產胞衣不 出月經不止俱可為散調服亦治金瘡生肌長肉

硃砂 二五九

味鹹苦大 辛性大熱有毒善消惡肉腐肉生肌傳金瘡生肉
去目翳弩 肉除痣屨沈贅亦善殺蟲毒水調塗之或研末搽
之立愈本 草言其消瘀血宿食破結氣止反胃肉食飽脹煖
子宮大益 陽事但此物性熱大毒能化五金八石人之藏腑

豈能堪此故用以治外則可用以服食則不宜也若中其毒
惟生綠豆研汁飲一二升乃可解之

青鹽二百六十

味鹹微甘性涼能降火消痰明目除目痛益腎氣除五藏癥
結心腹積聚吐血尿血齒牙疼痛出血殺毒虫除疥癬諸虫
及斑蝥莞青諸毒此鹽不經火煉而成其味稍甘雖性與大
鹽畧同而滋益之功則勝之

石灰二六一

味辛温有毒能止水瀉血痢收白帶白淫可倍加茯苓爲丸
服之此外如散血定痛傳癰毒消結核癭瘤惡瘡腐肉白癩
黥斑瘰肉收脫肛陰挺殺痔漏諸虫止金瘡血出生肌長肉
或爲末可摻或用醋調敷俱妙能解酒酸亦解酒毒

禽獸部

雞血 二六一

味鹹性平主療痿痺 中惡腹痛解丹毒蠱毒鹽酒毒及
小兒驚風便結亦能 下乳俱宜以熱血服之若馬咬人傷宜
以熱血浸之

雞冠血治白癩風經 絡風熱塗顙頰治口喎不正卒灌之治
縊死欲絕及小兒卒 驚客忤和酒服發痘最佳塗諸瘡癰
蜈蜘蛛馬齒等毒若 百虫入耳宜用熱血滴之

鴨血 二六三

味鹹微涼善解諸毒 凡中金銀丹石砒霜鹽漬毒者俱宜服
此解之若野葛毒殺 人至死熱飲之人口即解若瀉水死者
灌之即活蚯蚓咬瘡 塗之即愈

虎骨 二六四

味微辛氣平主百邪惡氣殺鬼精心腹諸痛止驚悸壯筋骨
治肢體毒風拘攣走注疼痛辟傷寒溫瘧及惡瘡鼠瘦大咳
諸毒頭骨作枕辟惡夢魘魅置戶上辟鬼崇寇宗奭曰風從
虎者風木也虎金也木受金制安得弗從故可治風病攣急
走注風毒癩厥驚癇諸病李時珍曰虎骨通用凡辟邪療
驚癇頭風溫瘧瘡疽當用頭骨治手足諸風當用脛骨治腰
背諸風當用脊骨亦各從其類也吳球曰虎之一身筋節氣
力皆出前足故以脛骨為勝

象牙 二六五

味甘氣涼能清心腎之火可療驚悸風狂骨蒸痰熱鬼精邪
氣癰毒諸瘡並宜生屑入藥煮服若諸物鯁刺喉中宜磨水
飲之竹木刺入肌肉宜刮牙屑和水敷之即出

鹿角膠 二六六

味甘鹹氣溫大補虛羸益血氣填精髓壯筋骨長肌肉悅顏
色延年益壽療吐血下血尿精尿血及婦人崩淋赤白帶濁
血虛無子止痛安胎亦治折跌損傷瘡瘍腫毒善助陰中之
陽最爲補陰要藥

鹿茸 二六七

味甘鹹氣溫破開塗酥炙黃脆入藥益元氣填真陰扶衰羸
瘦弱善助精血尤強筋骨堅齒牙益神志治耳聾目暗頭腦
眩運補腰腎虛冷脚膝無力夜夢鬼交遺精滑泄小便頻數
虛痢尿血及婦人崩中漏血赤白帶下道家云惟有班龍頂
上珠能補玉堂關下血者卽此是也若得嫩而肥大如紫茄
者較之鹿角膠其功力爲倍倍

犀角 二六八

味苦辛微甘氣寒氣味俱輕升也陽也其性靈通長於走散較諸角爲甚藥用黑色功力在尖專入陽明清胃火亦施他藏涼心定神鎮驚瀉肝明目能解大熱散風毒陽毒瘟疫熱煩磨汁治吐血衄血下血及傷寒畜血發狂發熱發斑謔語痘瘡稠密內熱黑陷或不結痂亦散瘡毒癰瘍膿血腫痛殺妖狐精魅鬼疰百毒蠱毒鈎吻鳩羽蛇毒辟溪瘴山嵐惡氣其性升而善散故治傷寒熱毒閉表煩熱昏悶而汗不得解者磨尖攪入藥中取汗速如響應仲景云如無犀角以升麻代之者正以此兩物俱入陽明功皆升散今人莫得其解每致疑詞是但知犀角之解心熱而不知犀角之能升散尤峻速於升麻也倘中氣虛弱脉細無神及痘瘡血虛真陰不足等證凡畏汗畏寒畏散者乃所當忌或必不得已宜兼補劑用之

羚羊角 一六九

味鹹性寒羊本火畜而此則屬木善走少陽厥陰二經故能清肝定風行血行氣辟鬼疰邪毒安魂魄定驚狂祛癩瘰癧傷寒邪熱一切邪毒中惡毒風卒死昏不知人及婦人子癰強瘧小兒驚悸煩悶痰火不清俱宜爲末蜜水調服或燒脆研末酒調服之若治腫毒惡瘡磨水塗之亦可

牛黃 二百七十

味苦辛性涼氣平有小毒忌常山入心肺肝經能清心退熱化痰涼驚通關竅開結滯治小兒驚癇客忤熱痰口噤大人癩狂痰壅中風發瘧辟邪魅中惡天行疫疾安魂定魄清神志不寧聰耳目壅閉療痘瘡紫色痰盛躁狂亦能墮胎孕婦少用

阿膠 二七一

味甘微辛氣平微溫氣味頗厚陽中有陰製用蛤粉炒珠入肺肝腎三經其氣溫故能扶勞傷益中氣其性降故能化痰清肺治肺癰肺痿欬唾膿血止嗽定喘其性養血故能止吐血衄血使血尿血腸風下痢及婦人崩中帶濁血淋經脈不調其味甘緩故能安胎固漏養血滋腎實腠理止虛汗托補癰疽腫毒用惟鬆脆氣清者爲佳堅韌臭劣者不美

熊膽 二七一

味苦性寒能退熱清心療時氣黃疸平肝明目去翳障殺虵蟻牙虫風痛及小兒熱疳熱痰驚癇瘕癰疔置熱痢俱宜以竹瀝化兩豆粒許服之甚良亦治鼻瘡熱瘡痔漏腫痛以湯化塗之少加冰片尤效欲辨其真惟取一粟許置水面如蠟而下一道不散者是也且凡是諸胆皆能水面辟塵惟此尤速乃亦可辨

味苦辛性溫能開諸竅通經絡透肌骨解酒毒吐風痰消積聚癥瘕散諸惡濁氣除心腹暴痛脹急殺鬼物邪氣魘寐藏腑虫積蛇虫毒蠱毒瘡毒沙虱毒及婦人難產尤善墮胎用熱水研服一粒治小兒驚癇客忤鎮心安神療鼻塞不聞香臭目疾可去翳膜除一切瘡痔漏腫痛膿水腐肉面黚斑疹凡氣滯為病者俱宜用之則愈欲辨真假但置炭者肉類也此即香之本即假攪

蟲魚部

味甘平性收澁其氣入肝腎故能安神志定魂魄鎮驚悸
賜胃逐邪氣除夜夢鬼交吐血衄血遺精夢洩收虛汗止瀉
痢縮小便禁腸風下血尿血虛滑脫肛女子崩淋帶濁失血
漏胎小兒風熱驚癇亦療腸癰臟毒內疽陰蝕歛膿歛瘡生
肌長肉澁可去脫卽此屬也制須酒煮焙乾或用水飛過同
黑豆蒸熟晒乾用之

海螵蛸二七五 卽烏賊魚骨

味鹹性微溫足厥陰少陰肝腎藥也鹹走血故專治血病療
婦人經枯血閉血崩血淋赤白帶濁血癥氣痕吐血下血瘰
腹疼痛陰蝕瘡腫亦治痰瘡消癭氣及丈夫陰中腫痛益精
固精令人有子小兒下痢膿血亦殺諸蟲俱可研末飲服尤
治眼中熱淚磨翳去障並宜研末和蜜點之爲末可傅小兒
疔瘡痘瘡臭爛膿濕下疳等瘡跌打出血湯火諸瘡燒灰存

性酒服治婦人陰戶嫁痛同雞子黃塗小兒重舌鵝口同蒲黃末傅舌腫出血如泉同槐花末吹鼻止衄血同麝香吹耳治停耳耳聾○烏賊魚善補益精氣尤治婦人血枯經閉

牡蠣二七六

味微鹹微澁氣平用此者用其澁能固斂鹹能與堅專入少陰腎藏隨藥亦走諸經能解傷寒溫瘧寒熱往來消瘀血化老痰去煩熱止驚癇心脾氣痛解喉痺欬嗽疝瘕積塊痢下赤白澁腸止便禁鬼交遺瀝止滑精帶下及婦人崩中帶漏小兒風痰虛汗同熟地固精氣禁遺尿同麻黃根斂陰汗同杜仲止盜汗同白朮燥脾利濕同大黃善消癰腫同柴胡治脇下硬痛同天花茶消上焦瘦痛燥癰結核

穿山甲二七七

味鹹平性微寒能通經絡達腠理除山嵐瘴氣瘧疾風痺強

直疼痛療小兒五邪驚啼婦人鬼魅悲泣下乳汁消癰腫排
膿血除瘡疥痔漏通竅殺虫佐補藥行經善發痘瘡或炮焦
投入煎劑或燒灰存性酒服方寸七亦可用傅惡瘡

青魚膽二七八

味苦性寒其色青故入肝胆二經能消赤目腫痛點暗目可
吐喉痺痰涎塗熱瘡惡瘡亦消魚骨之鱗

白花蛇二七九

卽蕪蛇也

味甘鹹性溫有毒諸蛇鼻俱向下惟此蛇鼻向上而龍頭虎
口黑質白花脇有方勝紋二十四個口有四長牙尾上有一
拂指甲者是用宜去頭尾各三寸以防其毒春秋酒浸三宿
夏一宿冬五宿火炙去盡皮骨取肉焙乾密封藏之久亦不
壞諸蛇之性皆羸而此蛇尤速故善於治風能透骨髓走藏
府徹肌膚無所不到療中風濕痺骨節疼痛手足拘攣不能

行立暴風癱痺破傷風大風癩癧及小兒驚風搖搦瘰癧楊梅風毒惡瘡俱為要藥凡服蛇酒藥者切忌見風

真珠二百八十

味微甘微鹹能鎮心明目去翳磨障塗面可除黥斑令人潤澤好顏色亦除小兒驚熱安魂魄為末可傳痘疔痘毒

龜板二八一

味微甘微鹹性微寒陰也能治痰瘧破癥堅祛濕痺傷寒勞役骨中寒熱消五痔陰蝕諸瘡下甲能補陰血清陰火續筋骨退勞熱療腰脚痠痛去瘀血止血痢漏下赤白利產難消癰毒燒灰可傳小兒頭瘡難燥婦人陰瘡廉瘡亦治脫肛龜板膏功用亦同龜板而性味濃厚尤屬也陰能退孤陽陰虛勞熱陰火上炎吐血衄血肺熱欬喘消渴煩擾熱汗驚悸譫妄狂躁之要藥然性稟陰寒善消陽氣凡腸虛假熱及脾

胃命門虛寒等證皆切忌之母混用也若誤用久之則必致
敗脾妨食之患

蠶蚕 二八二

味辛鹹性溫有小毒辛能散鹹能降毒能攻毒輕浮而升陽
中有陰故能散風痰去頭風消結核療癰辟寒瘡破癥堅消
散風熱喉痺危證尤治小兒風痰急驚客忤發痘瘡攻痘毒
止夜啼殺三虫婦人乳汁不通崩中帶下爲末可傳丹毒疔
腫拔根極效滅頭面黦斑及諸瘡癥痕金瘡癩癬小兒疳蝕
牙齦潰爛重舌木舌及大人風虫牙痛皮膚風疹瘙癢

蟾蜍 二八三
俗名癩蝦蟆

眉間有兩囊通身有顆磊其中俱有蟾酥行極遲緩不能跳
躍亦不解鳴者是也此物受土氣之精上應月魄賦性靈異
穴土食虫能制蜈蚣入足陽明胃經消癰氣積聚破堅癥腫

脹治五疳八痢及小兒勞瘦疳熱殺疳蟲消癰腫鼠瘦陰疽
惡瘡若治破傷風宜同花椒剝爛火酒煮熱飲之通身汗出
卽愈亦解獠犬毒燒灰油調傳有虫諸惡頑瘡極效又治瘧
毒發斑危劇者去腸生搗一二枚絞汁飲之無不卽瘥或燒
灰湯送亦良

蟾酥 味辛麻性熱有毒主治發者癰疽疔腫一切惡毒若
治風虫牙痛及齒縫出血以紙撚蘸少許點齒縫中按之卽
止

水蛭 二八四

味鹹苦性微寒有毒能逐惡血瘀血破血癥積聚通經閉和
水道墮胎唾赤白遊癰癰疽腫毒及折傷跌撲瘀血不散制
用之法當取田間喘人腹中有血者佳須晒乾細剉以微火
炒黃熟方可用或以冬水煎合焦黃用之亦可不爾人

狀則活最能生子害人若受其害惟以田泥水或黃土小魚數升則必盡下蓋此物得土氣卽隨土而走也或以牛羊熱血一二升同豬脂飲之亦下也

鱉甲 二八五

味鹹氣平此肝脾腎血分藥也能消癥瘕堅積療溫瘧除骨節間血虛勞熱婦人血癥惡血漏下五色經脉不通治產難能墮胎及產後寒熱陰脫小兒驚癇斑痘煩喘亦消瘡腫腸癰撲損瘀血斂瀆毒去陰蝕痔漏惡肉然須取活鱉大者去肉用醋煮乾炙燥用之若諸煮熟肋骨露出者不堪用

蜈蚣 二八六 名卽蛆赤足者良

味辛溫有毒能噉諸蛇殺諸蛇蝨魚鬼疰諸毒去三蟲攻瘰癧便毒痔瘻丹毒亦療小兒驚風臍風丹毒禿瘡然此蟲性毒故能攻毒不宜輕用若入藥餌須去頭足以火炙熟用之

本草綱目卷之四十九 三

蟬脫 二八七

味微甘微鹹性微涼此物欬風吸露氣極清虛故能療風熱之證亦善脫化故可療痘瘡壅滯起發不快凡小兒驚癩壯熱煩渴天吊口噤驚哭夜啼及風熱目昏翳障疔腫瘡毒風疹癢痛破傷風之類俱宜以水煎服或爲末以井花水調服一錢可治瘡啞之病

班蝥 二八八

味辛性熱有大毒能攻鼠痿瘻癰瘡疽破血積疝癭墮胎乃解疔瘡獠大毒沙風蠱毒輕粉毒亦傳惡瘡去死肌助肉生用之法須去翅足同糯米炒熟然後可用或同麩炒或同鹽煮皆可若中其毒惟黑豆綠豆汁靛汁黃連濃茶葱汁可以解之

蜂房 二八九

味微甘微鹹有毒療蜂毒腫毒合亂髮蛇
脫燒灰以酒服二
方寸匕治惡疽附骨疽疔腫諸毒亦治赤
白痢遺尿失禁陰
痿煎水可洗狐尿瘡乳癰蜂螫惡瘡及熱
病後毒氣衝目
齒牙止風蟲牙痛炙研和猪脂塗瘰癧成
癩

五靈脂二百九十

味苦氣辛善走厥陰乃血中之氣藥也大
能行血行氣逐瘀
止痛凡男子女人有血中氣逆而腹脇刺
痛或女人經水不
通產後血滯男子
疝氣腸風血痢冷
氣惡氣心腹諸痛
身體
血痺脇肋筋骨疼
痛其效甚捷若女
中血
崩經水過多赤帶
不止宜半炒半生
酒調服之亦治小
兒氣
逆癩癩殺虫毒解
藥毒行氣極速但
此物氣味俱厚辛
羶難
當善逐有餘之滯
凡血氣不足者服
之大損真氣亦善
動叶
所當避也制用之
法當用酒飛去砂
石晒乾入藥

味甘辛有毒蠅生東方色青屬木足厥陰肝經藥也故治中風諸風開風痰口眼喎斜半身不遂語言蹇澁痰瘧耳聾疝氣風瘡癰疹小兒風痰驚癇是亦治風之要藥

文蛤二九二

即五倍子

味酸澁性微涼能斂能降故能降肺火化痰涎生津液解酒毒治心腹疼痛夢洩遺精療腫毒喉痺止欬嗽消渴嘔血失血腸風臟毒骨洩人痢痔瘻下血不止解蠱毒虫毒婦人崩淋帶濁子宮不收小兒夜啼脫肛俱可為散服之若煎湯用可洗赤眼濕爛皮膚風濕癰癩腸痔脫肛為末可傅金瘡折傷生肌斂毒

百藥煎二九三

即五倍子釀造者

味酸澁微甘功用與五倍子頗同但經釀造而成其氣稍浮

其味稍甘而純故用以清痰解渴止嗽及收斂耗散諸病作丸噙化為尤佳及治下焦滑洩諸病亦更優也

蝸牛 二九四 負殼而行者

味鹹性寒有小毒能清火解熱生研汁飲消喉痺止消濕鼻
衄通耳聾治腫毒痔漏瘰癧小兒風熱驚癇加麝香搗散臍間
大利小便亦傳脫肛及治蜈蚣蠱毒俱宜研爛傅之
無殼者名蜒蚰治熱瘡癰毒腫痛少入水
煎痛最良解蜈蚣毒尤捷

蚯蚓 二九五

味鹹性寒沉也陰也有毒能解熱毒利水道主傷寒瘧瘧黃
疽消渴二便不通殺蛇痕三蟲伏尸鬼疰 蠱毒射罔藥毒瘰
癧狂喉痺風熱赤眼聾耳鼻瘡癰陰囊 熱腫脫肛去泥鹽
化為水治天行瘟疫大熱狂躁或小兒風 熱癩狂急驚飲汁

最良亦可塗丹毒瘰癧炒爲末服可去蛇
痛蜘蛛傷毒入葱管化汁可治耳聾及蚰
毒者惟以鹽湯浸洗或飲一杯皆可解之
糞各六一泥可塗火瘡疥癩熱毒亦止消
躁利小水通五淋熱閉疼痛
渴解瘟疫煩熱狂

桑螵蛸 二九六

卽螳螂育子房也深秋作房粘著桑枝之
拊指其內重重有隔每房有子如蛆卵是也味甘微鹹性
平能益氣益精助陽生子療男子虛損陰
痿夢遺精液遺尿
治女人血閉腰痛通五淋利水通炮熟空
不禁心食之可止小便

人部

味鹹氣寒沉也陰也鹹走血故善清諸血妄行止嘔血欬血
衄血血悶熱狂退陰火定喘促降痰滯解煩熱利大小便
療陽暑中暍聲瘖撲損瘀血暈絕難產胎衣不下及蛇犬
中毒傷若假熱便溏胃虛作嘔者俱不可妄用

紫河車二九八

一名混沌衣

味甘鹹性溫能補男婦一切精血虛損尤治癩癧矢志精神
短少怔忡驚悸肌肉羸瘦等證此舊說也但此物古人用少
而始於陳氏本草自後丹溪復稱其功遂為時用予於初年
亦惑於以人補人之說嘗制用之及用之再三則無所奇效
且制用之法若生搗之則補不宜生若頓熟烘熟則亦由肉
舖之類耳又嘗見有以酒煮而食之者後必破腹泄瀉總亦
因其性滑也近復有以純酒煮膏去粗收貯而日服其膏者

較前諸法似爲更善然其既離毛裏已絕生氣既無奇效又胡忍食之以殘厥子之先天東方朔曰銅山西崩洛鍾東應此毋子自然之理不可不信故并述此以勸人少用可也

血餘二九丸

味微苦性溫氣盛升也陰中陽也在古藥性不過謂其治欬嗽消瘀血止五淋赤白痢疾療大小便不通及小兒驚癇治噎噎癰疽疔腫燒灰吹鼻可止衄血等證然究其性味之理則自陰而生自下而長血盛則髮盛最得陰陽之生氣以火炮制其色甚黑大能壯腎其氣甚雄大能補肺此其陰中有陽靜中有動在陰可以培形體壯筋骨托癰疽在陽可以益神志辟寒邪溫氣海是誠精氣中最要之藥較之河車鹿角膠陰凝重著之輩相去遠矣凡補藥中自人參熟地之外首當以此爲亞